

ଶିତାଞ୍ଜଳି

ନବମ ସଂସ୍କରଣ

ଶ୍ରୀରବୀନ୍ଦ୍ରନାଥ ଠାକୁର

୧୭୭୦

ମୂଲ୍ୟ ୧।୦ ଏକ ଟାକା ଚାରି ଆନା

প্রকাশক
শ্রীজগদানন্দ রায়
বিশ্বভারতী, শান্তিনিকেতন; বীরভূম।

শান্তিনিকেতন প্রেসে,
শ্রীজগদানন্দ রায় কর্তৃক মুদ্রিত।
শান্তিনিকেতন, বীরভূম।

বিজ্ঞাপন

এই গ্রন্থের প্রথম কয়েকটি গান পূর্বে অত্র দুই একটি পুস্তকে প্রকাশিত হইয়াছে। কিন্তু অল্প সময়ের ব্যবধানে বে-সমস্ত গান পরে পরে রচিত হইয়াছে তাহাদের পরস্পরের মধ্যে একটি ভাবের ত্রৈকা খণ্ডকা সম্ভবপর মনে করিয়া তাহাদের সকলগুলিই এই পুস্তকে একত্রে বাহির করা হইল।

শ্রী রবীন্দ্রনাথ ঠাকুর

শান্তিনিকেতন,

দোলপুর

৩১ শ্রাবণ, ১৩১৭

সূচী

অস্তুর মম বিকশিত কর	৬
অমন আড়াল দিয়ে লুকিয়ে গেলে	২৮
আকাশ তলে উঠল ফুটে	৫৭
আছে আমার 'হৃদয় আছে ভরে'	১২৭
আজ ধানের ক্ষেতে রোজ ছায়ায়	৯
আজ বারি বারে ঝর ঝর	৩৩
আজ বরষার রূপ হেরি মানবের মাঝে	১১৩
আজি গন্ধবিধুর সমীরণে	৬৬
আজি ঝড়ের রাতে তোমার অভিসার	২৫
আজি বসন্ত জাগ্রত দ্বারে	৬৭
আজি শ্রাবণ-ঘন গহন-মোহে	২৩
আনন্দেরি সাগর থেকে	১০
আমরা বেঁধেছি কাশের গুচ্ছ	১২
আমার এ গান চেড়েছে তা'র	১৪৫
আমার এ প্রেম নয় ত ভীক	১০২
আমার একলা ঘরের আড়াল ভেঙে	২৭
আমার খেলা যখন ছিল তোমার সনে	৮১
আমার চিত্ত তোমায় নিত্য হবে	১৫৭
আমার নগ্ন-ভুলানো এলে	১৫
আমার নামটা দিয়ে ঢেকে রাখি যারে	১৬২

আমার মাঝে তোমারে লীলা হবে	১৫২
আমার মাথা নত করে' দাও	১
আমার মিলন লাগি তুমি	৪১
আমারে যদি জাগালে আজি নাথ	৯৯
আমি চেয়ে আছি তোমাদের স্বাপানে	১১৭
আমি বহু বাসনার প্রাণপদে চাই	৩
আমি হেথায় থাকি শুধু	৩৮
আর আমার আমি নিজের শিরে	১১৮
আর নাইরে বেলা নাম্ন ছায়া	৩২
আরো আঘাত সহবে আমার	১০৩
আবার এরা ঘিরেছে নোর মন	৪০
আবার এসেছে আঘাত আকাশ ছেয়ে	১১২
আলোর আলোকময় করেছে	৫৪
আঘাত সন্ধ্যা ঘনিয়ে এল	২৬
আসন্নতলের মাটির পরে লুটিয়ে র'বু	৫৫
উড়িয়ে ধ্বজা অভভেদী রথে	১৩৭
এই করেছ ভালো, নিষ্ঠুর,	১০৪
এই জ্যোৎস্না রাতে জাগে আমার প্রাণ	৯৫
এই মলিন বস্ত্র ছাড়তে হবে	৫০
এই মোর সাধ বেন এ জীবনমাঝে	১১৫
এই যে তোমার প্রেম, ওগো	৩৭
একটি একটু করে' তোমার	৭৬
একটি নমস্কারে, প্রভু,	১৬৮
একলা আমি বাহির হলেম	১১৬

একা আমি কিম্ব না আর	৯৮
এবার নীরব করে' দাও হে তোমার	৭১
এস হে এস, সজল ঘন,	৪২
ঐরে তরী দিল খুলে	৮২
ওগো আমার এই জীবনের শেষ পরিপূর্ণতা	১৩৩
ওগো নোন, না যদি কও	৮৪
ওরে নাবি ওরে আনার	১৬০
কত অজানারে জানাইলে তুমি	৪
কথা ছিল এক-তরীতে কেবল তুমি আমি	৯৬
কবে আমি বাহির হলেম তোমারি গান গেয়ে	৭৭
কে বলে সব কেলে যাবি	১২৯
কোথায় আলো কোথায় ওরে আলো	২১
কোন আলোতে প্রাণের প্রদীপ	৬৩
গর্ক করে' নিইনে ও নাম, জান অন্তর্ধামী,	১২৮
গান গাওয়ালে আমার তুমি	১৭৫
গান দিয়ে যে তোমার খুঁজি	১৫২
গাবার মত হরমি কোন গান	১৪৯
গারে আমার পুলক লাগে	৫১
চাই গো আমি তোমারে চাই	১০১
চিত্ত আমার হারাল আজ	৮৩
চিরজনমের বেদনা	৯০
ছাড়িসনে, ধরে' থাক এঁটে	১২৬
ছিন্ন করে' লও হে মোরে	১০০
জগৎ জুড়ে উদার-সুরে	১২

জগতে আনন্দ-যজ্ঞে আমার নিমন্ত্রণ	৫৩
জড়িয়ে আছে বাধা, ছাঁড়িয়ে যেতে চাই	১৬৪
জড়িয়ে গেছে সরু মোটা	১৪৮
জননী, তোমার করুণ চরণখানি	১৭
জানি জানি কোন্ আদি কাল হ'তে	২৬
জীবন যখন শুকায় যায়	৭০
জীবনে যত পূজা	১৬৭
জীবনে যা চিরদিন	১৬৯
ডাক ডাক ডাক আমারে	১০৮
তব সিংহাসনের আসন হ'তে	৬৮
তাই তোমার আনন্দ আমার পর	১৪১
তা'রা তোমার নামে বাটের মাঝে	৯৪
তা'রা দিনের বেলা এসেছিল	৯৩
তুমি আমার আপন, তুমি আছ আমার কাছে	৬৪
তুমি এবার আমার লহ হে নাথ, লহ	৬৯
তুমি কেমন করে' গান কর যে গুণী	২৭
তুমি নব নব রূপে এস প্রাণে,	৮
তুমি যখন গান গাহিতে বল	৯১
তুমি যে কাজ করচ, আমার	১০৬
তোমার দয়া যদি	১৬৫
তোমার প্রেম যে বহিতে পারি	৭৮
তোমার সাথে নিত্য বিরোধ	১৭১
তোমার সোনার থালায় দর্জিব আজ	১১
তোমার আমার প্রভু করে' রাখি	১৫৮

তোমার খোঁজা শেষ হবে না মোর	১৫৩
তোরা শুনিষ্ নি কি শুনিষ্ নি তা'র পায়ের ধ্বনি	৭৪
দয়া করে' ইচ্ছা করে' আপনি ছোট হ'য়ে	১৩২
দয়া দিলে হবে গো মোর	৮৮
দাও হে আমার ভয় ভেঙে দাও	৩৯
দিবস যদি সাজ হ'ল	১৭৮
দুঃস্বপন কোথা হ'তে এসে	১৫১
দেবতা জেনে দূরে রই দাঁড়িয়ে	১০৫
ধনে জনে আছি জড়িয়ে হার	৩৬
ধায় যেন মোর সকল ভালবাসা	৯২
নদীপারের এই আযাচের	১৩০
নামটা যেদিন ঘুচাবে, নাথ	১৬৩
নামাও নামাও আমার তোমার	৬৫
নিন্দা দুঃখে অপমানে	১৪৬
নিভৃত প্রাণের দেবতা	৬২
নিশার স্বপন ছুটল রে এই	৪৫
পারবি না কি যোগ দিতে এই ছন্দে	৪৩
প্রভু আজি তোমার দক্ষিণ হাত	৫২
প্রভুগৃহ হ'তে আসিলে যেদিন	১৪৩
প্রভু তোমা লাগি আঁধি জাগে	৩৪
প্রেমে প্রাণে গানে গন্ধে আলোকে পুলকে	৭
প্রেমের দূতকে পাঠাবে নাথ, কবে	১৭৪
প্রেমের হাতে ধরা দেব'	১৭২
ফুলের মতন আপনি ফুটাও গান	১১০

বজ্রে তোমার বাজে বাঁশি	৮৭
বাঁচান বাঁচি মারেন মরি	১৮
বিপদে মোরে রক্ষা কর	৫
বিশ্বসাথে যোগে বেথায় বিহারো	১০৭
বিশ্ব যখন নিদ্রামগন	৭২
ভজন পূজন সাধন আরাধনা	১৩৮
ভেবেছি মনে যা হবার তারি শেষে	১৪৪
মনকে, আমার কাষাকে	১৬১
মনে করি এইখানে শেষ	১৭৬
নরগ যদি দিনের শেষে আসবে তোমার ছয়ারে	১৩১
মানের আসন, আরাম শয়ন	১৪২
মুখ ফিরায়ে র'ব তোমার পানে	১৩১
নেবের পরে মেঘ জনেছে	২০
মেনেছি, হার মেনেছি	৭৫
যখন আমার বাঁধ আগে পিছে	১৫৫
ষতকাল তুই শিশুর মত	১৫৬
ষতবার আলো জ্বালাতে চাই	৮৫
যদি তোমার দেখা না পাই প্রভু	২৯
ঠা দিয়েছ আমার এ প্রাণ ভরি	১৫৯
যা হারিয়ে যায় তা আগলে বসে	৪৯
যাত্রী আমি ওরে	১৩৫
যেণীর থাকে সবার অধম দীনের হ'তে দীন...	১২৩
যেথায় তোমার লুট হতেছে ভুধনে	১০৯
যেন শেষ গানে মোর সব রাগিনী পুরে	১৫৬

রাজার মত বেশে তুমি সাজাও যে শিশুরে	১৪৭
রূপসাগরে ডুব দিয়েছি	...	৫৬
লেগেছে অমল ধবল পালে	...	১৪
শরতে আজ কোন্ অতিথি	...	৪৬
শেষের মধ্যে অশেষ আছে	...	১৭৭
সংসারেতে আর বাহারা	...	১৭৩
সব হ'তে রাখ'ব তোমায়	...	৮৬
সভা যখন ভাঙবে তখন	...	৮৯
সীমার মাঝে, অসীম তুমি	...	১৪০
সুন্দর, তুমি এসেছিলে আজ প্রাতে	...	৮০
সে বে পাশে এনে বসেছিল	...	৭৩
হেথা যে গান গাইতে আসা আমার	...	৪৭
হেথায় তিনি কোল পেতেছেন	...	৫৯
হে মোর দেবতা, ভরিয়া এ দেহ প্রাণ	...	১১৪
হে মোর চিত্ত, পুণ্য তীর্থে	...	১১৯
হে মোর দুর্ভাগা দেশ, যাদের করেছ' অপমান	...	১২৪
হেরি অহরহ তোমারি বিরহ	...	৩১

ଶୀତାଂଶୁଲି

୧

ଆମାର 'ମାଆ ନତ କରେ' ଦାଓ ହେ ତୋମାର
ଚରଣ-ଧୂଳାର ତଳେ ।
ସକଳ ଅହଙ୍କାର ହେ ଆମାର
ଢୁବାଓ ଚୋଖେର ଜଂଲେ ।

গীতাঞ্জলি

নিজেরে করিতে গৌরব দান,
নিজেরে কেবলি করি অপমান,
আপনারে শুধু ঘেরিয়া ঘেরিয়া
ঘুরে মরি পলে পলে ।

সকল অহঙ্কার হে আমার
ডুবাও চোখের জলে ।

আমারে যেন না করি প্রচার
আমার আপন কাজে ;
তোমারি ইচ্ছা কর হে পূর্ণ
আমার জীবন মাঝে ।

যাচি হে তোমার চরম শান্তি,
পরানে তোমার পরম কান্তি,
আমারে আড়াল করিয়া দাঁড়াও
হৃদয়-পদম-দলে ।

সকল অহঙ্কার হে আমার
ডুবাও চোখের জলে ॥

২

আমি বহু বাসনায় প্রাণপণে চাই

বঞ্চিত করে' বাঁচালে মোরে !

এ কৃপা কঠোর সঞ্চিত মোর

জীবন ভরে' ।

না চাহিতে মোরে যা কঁরেছ দান,

আকাশ আলোক তনু মনপ্রাণ,

দিনে দিনে তুমি নিতেছ আমার

সে মহা দানেরই যোগ্য করে',

অতি ইচ্ছার সঙ্কট হ'তে

বাঁচিয়ে মোরে !

আমি কখনো বা ভুলি, কখনো বাঁচলি,

তোমার পথের লক্ষ্য ধরে' ;

তুমি নিষ্ঠুর সম্মুখ হ'তে

যাও যে সরে' !

এ যে তব দয়া জানি জানি হয়,

নিতে চাও বলে' ফিরাও আমার,

পূর্ণ করিয়া ল'বে এ জীবন •

তব মিলনেরই যোগ্য করে'

আধা ইচ্ছার সঙ্কট হ'তে

বাঁচিয়ে মোরে !

৩

কত অজানারে জানাইলে তুমি,
 কত ঘরে দিলে ঠাই,
 দূরকে করিলে নিকট, বন্ধু,
 পরকে করিলে ভাই ।

পুরানো আবাস ছেড়ে যাই যবে
 মনে ভেবে মরি কি জানি কি হবে,
 নূতনের মাঝে তুমি পুরাতন,
 সে-কথা যে ভুলে যাই ।

দূরকে করিলে নিকট, বন্ধু,
 পরকে করিলে ভাই ।

জীবনে মরণে নিখিল ভুবনে
 যখনি যেখানে ল'বে,
 চির জনমের পরিচিত ওহে
 তুমিই চিনাবে সবে ।

তোমারে জানিলে নাহি কেহ পর
 নাহি কোনো মানা, নাহি কোনো ডর,
 সবারে মিলায়ে তুমি জাগিতেছ
 দেখা যেন সদা পাই ।

দূরকে করিলে নিকট, বন্ধু,
 পরকে করিলে ভাই ॥

বিপদে মোরে রক্ষা কর,

এ নহে মোর প্রার্থনা,

বিপদে আমি না যেন করি ভয় ।

দুঃখ-তাপে ব্যথিত চিতে

নাই বা দিলে সাহুনা,

দুঃখে যেন করিতে পারি জয় ।

সহায় মোর না যদি জুটে

নিজের বল না যেন চুটে,

সংসারেতে ঘটিলে ক্ষতি

লভিলে শুধু বঞ্চনা

নিজের মনে না যেন মানি ক্ষয় ।

আমারে তুমি করিবে ত্রাণ

এ নহে মোর প্রার্থনা,

তরিতে পারি শক্তি যেন রয় ।

আমার ভার লাঘব করি'

নাই বা দিলে সাহুনা,

বহিতে পারি এমনি যেন হয় ।

নত্র শিরে স্নেহের দিনে

তোমারি মুখ লইব চিনে,

দুঃখের রাতে নিখিল ধরা

যে-দিন করে বঞ্চনা

তোমারে যেন না করি সংশয় ॥

গীতাঞ্জলি

৫

অন্তর মম বিকসিত কর

অন্তরতর হে ।

নির্মূল কর, উজ্জ্বল কর

সুন্দর কর হে ।

জাগ্রত কর, উদ্যত কর,

নির্ভয় কর হে ।

মঙ্গল কর, নিরলস নিঃসংশয় কর হে,

অন্তর মম বিকসিত কর,

অন্তরতর হে ।

যুক্ত কর হে সবার সঙ্গে,

মুক্ত কর হে বন্ধ,

সঞ্চার কর সকল কর্মে

শান্ত তোমার ছন্দ ।

চরণপদে মম চিত নিষ্পন্দিত কর হে,

নন্দিত কর, নন্দিত কর,

নন্দিত কর হে ।

অন্তর মম বিকসিত কর

অন্তরতর হে ।

গীতাঞ্জলি

৬

প্রেমে প্রাণে গানে গন্ধে আলোকে পুলকে
প্লাবিত করিয়া নিখিল দুালোক ভুলোকে

তোমার অমল অমৃত পড়িছে ঝরিয়া ।

দিকে দিকে আজি টুটিয়া সকল বন্ধ

নূরতি ধরিয়া জাগিয়া উঠে আনন্দ ;

জীবন উঠিল নিবিড় সুপায় ভরিয়া ।

চেতনা আমার কল্যাণ-রস-সরসে

শতদল সম ফুটিল পরম হরষে

সব মধু তা'র চরণে তোমার ধরিয়া ।

নীরব আলোক জাগিল হৃদয় প্রান্তে

উদার উষার উদয়-অরুণ কাশ্টি,

অলস আঁখির আবরণ গেলু সরিয়া ॥

গীতাঞ্জলি

৭

তুমি নব নব রূপে এস প্রাণে ।

এস গন্ধে বরণে, এস গানে ।

এস অঙ্গে পুলকময় পরশে,

এস চিত্তে সুধাময় হরষে,

এস মুগ্ধ মুদিত ছনয়ানে ।

তুমি নব নব রূপে এস প্রাণে

এস নির্মূল উজ্জ্বল কান্ত,

এস সুন্দর স্নিগ্ধ প্রশান্ত,

এস এসতে বিচিত্র বিধানে ।

এস দুঃখে সুখে এস মর্শ্বে,

এস নিত্য নিত্য সব কর্শ্বে,

এস সকল কর্ম অবসানে ।

তুমি নব নব রূপে এস প্রাণে ॥

৮

আজ ধানের ক্ষেতে রৌদ্র ছায়ায়
লুকোচুরি খেলা ।
নীল আকাশে কে ভাসালে
শাদা মেঘের ভেলা ।

আজ ভ্রমর ভোলে মধু খেতে
উড়ে বেড়ায় আলোর মেতে ;
আজ কিসের তরে নদীর চরে
চখাচখির মেলা ।

ওরে যাব না আজ ঘরে রে ভাই
যাব না আজ ঘরে,
ওরে আকাশ ভেঙে বাহিরকে আজ
নেব রে লুঠ করে' ।

যেন জোয়ার জলে ফেনার রাশি
বাতাসে আজ ছুট্চে হাসি,
আজ বিনা কাজে বাজিয়ে বাঁশি
কাট্বে সকল বেলা ॥

৯

আনন্দেরি সাগর থেকে
এসেছে আজ বান ।

দাঁড় ধরে' আজ বসুরে সবাই,
টান্‌রে সুবাই টান্ ।

বোঝা যত বোঝাই করি
করবরে পার দুখের তরী,
টেউয়ের পরে ধরব পাড়ি
যায় যদি যাক্‌ প্রাণ ।
আনন্দেরি সাগর থেকে
এসেছে আজ বান ।

কে ডাকেরে পিছন হ'তে
কে করে রে মানা,
ভয়ের কথা কে বলে আজ
ভয় আছে সব জানা ।

কোন্‌ শাপে কোন্‌ গ্রাহের দোষে
সুখের ডাঙার থাক্‌ব বসে',
পালের রসি ধরব কসি
চল্‌ব গেয়ে গান ।
আনন্দেরি সাগর থেকে
এসেছে আজ বান ॥

১০

তোমার সোনার খালায় সাজাব আজ
দুখের অশ্রুধার ।
জননী গো, গাঁথব তোমার
গলার মুক্তাহার ।

চন্দ্রসূর্য্য পায়ের কাছে
মালা হ'য়ে জড়িয়ে আছে,
তোমার বুকে শোভা পাবে আমার
দুখের অলঙ্কার ।

ধন ধান্য তোমারি ধন,
কি করবে তা কও !
দিতে চাও ত দিয়ে আমায়
নিতে চাও ত লও !

দুঃখ আমার ঘরের জিনিষ,
খাঁটি রতন তুই ত চিনিস্,
তোর প্রসাদ দিয়ে তা'রে কিনিস্,
এ মোর অহঙ্কার ॥

গীতাঞ্জলি

১১

আমরা বেঁধেছি কাশের গুচ্ছ, আমরা
ঝেঁথেছি শেফালি-মালা ।
নবীন ধানের মঞ্জুরী দিয়ে
সাজিয়ে এনেছি ডালা ।
এসগো শারদলক্ষ্মী, তোমার
শুভ্র মেঘের রণে,
এস নিস্কল নীল পথে,
এস ধোঁত শ্যামল
আলো-ঝলমল
বনাগরি পর্বতে,
এস মুকুটে পরিয়া শ্বেত শতদল
শীতল শিশির-ঢালা ॥

ঝরা মালতীর ফুলে
 আসন বিছানো নিভৃত কুঞ্জে •
 ভরা গঙ্গার কূলে,
 ফিরিছে মরাল ডানা পাতিবারে
 তোমার চরণমূলে ।

গুঞ্জরভান তুলিয়ো তোমার
 সোনার বীণার তারে
 হুঁ হুঁ মধু ঝঞ্ঝারে,
 হাসিঢালা হুর গলিয়া পড়িবে
 ক্ষণিক অশ্রুধারে ।

রহিয়া রহিয়া যে পরশমণি
 ঝলকে অলককোণে,
 পলকের তরে সক্রমণ করে
 বুলায়ো বুলায়ো মনে !
 সোনা হ'য়ে যাবে সকল ভাবনা,
 আঁধার হইবে আলা ॥

১২

লেগেছে অমলি ধবল পালে

মন্দ মধুর হাওয়া ।

দেখি নাই কভু দেখি নাই

এমন তরলী বাওয়া ।

কোন্ সাগরের পার হ'তে আনে

কোন্ সূদূরের ধন ।

ভেসে যেতে চায় মন,

ফেলে যেতে চায় এই কিনারায়

সব চাওয়া সব পাওয়া ।

পিছনে ঝরিছে বার বার জল

গুরু গুরু দেয়া ডাকে,

মুখে এসে পড়ে অরুণ কিরণ

ছিন্ন মেঘের ফাঁকে ।

ওগো কাণ্ডারী, কেগো তুমি, কার

হাসিকান্নার ধন ।

ভেবে মরে মোর মন,

কোন্ সুরে আজ বাঁধিবে যন্ত্র

কি মন্ত্র হবে গাওয়া ॥

১৩

আমার নয়ন-ভুলানো এলে ।
আমি কি হেরিলাম হৃদয় মেলে ।
 নিউলিতলার পাশে পাশে,
 ঝরা ফুলের রাশে রাশে,
 শিশির-ভেজা ঘাসে ঘাসে
 অরুণরাঙা চরণ ফেলে
 নয়ন-ভুলানো এলে ।

আলোছায়ার আঁচলখানি

লুটিয়ে পড়ে বনে বনে,
ফুলগুলি ঐ মুখে চেয়ে
কি কথা কয় মনে মনে।

তোমায় মোরা করব বরণ,

মুখের ঢাকা কর হরণ,

ঐটুকু ঐ মেঘাবরণ

দু-হাত দিয়ে ফেল ঠেলে।

নয়ন-ভুলানো এলে।

বনদেবীর দ্বারে দ্বারে

শুনি গভীর শঙ্খধ্বনি,

আকাশবিগার তারে তারে

জাগে তোমার আগমনী।

কোথায় সোনার নূপুর বাজে,

বুঝি আমার হিয়ার মাঝে,

সকল ভাবে, সকল কাজে,

পাষণ-গালা সূধা ঢেলে—

• •

নয়ন-ভুলানো এলে।

১৪

জননী, তোমার করুণ চরণখানি
হেরিনু আজি এ অরুণ-কিরণ রূপে ।
জননী, তোমার মরণহরণ বাণী
নীরব গগনে ভরি উঠে চুপে চুপে ।

তোমারে নমি হে সকল ভুবন মাঝে,
তোমারে নমি হে সকল জীবন কাঞ্চে ;
তনু মন ধন করি নিবেদন আজি
ভক্তিপাবন তোমারে পূজার ধূপে ।

জননী, তোমার করুণ চরণখানি
হেরিনু আজি এ অরুণ-কিরণ-রূপে ॥

১৫

বাঁচান বাঁচি মারেন মরি ।

বল ভাই ধন্য হরি ।

ধন্য হরি ভবের নাটে,

ধন্য হরি রাজ্যপাটে,

ধন্য হরি শ্মশান-ঘাটে

ধন্য হরি ধন্য হরি ।

সুখা দিয়ে মাতান যখন

ধন্য হরি ধন্য হরি ।

ব্যথা দিয়ে কাঁদান যখন

ধন্য হরি ধন্য হরি ।

আত্মজনের কোলে বুকে

ধন্য হরি হাসি মুখে,

ছাই দিয়ে সব ঘরের স্তম্বে

ধন্য হরি ধন্য হরি ।

আপনি কাছে আসেন হেসে-

ধন্য হরি ধন্য হরি ।

কিরিয়ে বেড়ান দেশে দেশে

ধন্য হরি ধন্য হরি ।

ধন্য হরি শূলে জলে,

ধন্য হরি ফুলে ফলে,

ধন্য হৃদয়-পদ্মতলে

১৬

• জগৎ জুড়ে উদার সুরে
 আনন্দ-গান বাজে,
 সে গান কবে গভীর রবে
 বাজিবে হিয়া মাঝে ?

বাতাস জল আকাশ আলো
 সবারে কবে বাসিব ভালো,
 হৃদয় সভা জুড়িয়া তা'রা
 বসিবে নানা সাজে ।

নয়ন দুটি মেলিলে কবে
 পরাগ হবে খুসি,
 যে-পথ দিয়া চলিয়া যাব
 সবারে যাব তুষ্টি ।

রয়েছ তুমি এ-কথা কবে
 জীবন মাঝে সহজ হবে,
 আপনি কবে তোমারি নাম
 ধ্বনিবে সব কাজ ॥

১৭

মেঘের পরে মেঘ জমেছে,
 আঁধার করে' আসে,
 আমায় কেন বসিয়ে রাখ
 একা ঘরের পাশে ।

কাজের দিনে নানা কাজে
 থাকি নানা লোকের মাঝে,
 আজ আমি যে বসে' আছি
 তোমারি আশ্রাসে ।

আমায় কেন বসিয়ে রাখ
 একা ঘরের পাশে ।
 তুমি যদি না দেখা দাও
 কর আমায় হেলা,
 কেমন করে' কাটে আমার
 এমন বাদল বেলা ।

দূরের পানে মেলে আঁখি
 কেবল আমি চেয়ে থাকি,
 পরাণ আমার কেঁদে বেড়ায়
 ছরস্তু বাতাসে ।

আমায় কেন বসিয়ে রাখ
 একা ঘরের পাশে ॥

১৮

কোথায় আলো কোথায় ওরে আলো !
বিরহানলে জ্বালোরে তা'রে জ্বালো ।
রয়েছে দীপ না আছে শিখা
এই কি ভালে ছিলরে লিখা,
ইহার চেয়ে মরণ সে যে ভালো ।
বিরহানলে প্রদীপখানি জ্বালো ।

বেদনা দূতী গাহিছে, “ওরে প্রাণ,
তোমার লাগি জাগেন ভগবান !”
নিশীথে ঘন অন্ধকারে
ডাকেন তোরে প্রেমাভিসারে,
দুঃখ দিয়ে রাখেন তোর মান ।
তোমার লাগি জাগেন ভগবান ।”

গগনতল গিয়েছে মেঘে ভরি,
বাদল জল পড়িছে ঝরি ঝরি ।

এ ঘোর রাতে কিসের লাগি
পরান মম সহসা জাগি
এমন কেন করিছে মরি মরি !
বাদল জল পড়িছে ঝরি ঝরি ।

বিজুলি শুধু ক্ষণিক আভা হানে,
নিবিড়তর তিমির চোখে আনে ।

জানি না কোথা অনেক দূরে
বাজিল গান গভীর সুরে,
সকল প্রাণ টানিছে পথ পানে ;
নিবিড়তর তিমির চোখে আনে ।

কোথায় আলো কোথায় ওরে আলো !
বিরহানলে জ্বালোরে তা'রে জ্বালো ।

ডাকিছে মেঘ, হাঁকিছে হাওয়া,
সময় গেলে হবে না যাওয়া,
নিবিড় নিশা নিকষ-ঘন কালো
পরান দিয়ে প্রেমের দীপ জ্বালো ॥

১৯

● আজি শ্রাবণ-ঘন গহন-মোহে
গোপন তব চরণ ফেলে
নিশার গত নীরব ওহে
সবার দিঠি এড়ায়ে এলে ।

প্রভাত আজি মুদেছে আঁখি,
বাতাস বৃথা যেতেছে ডাকি,
নিলাজ নীল আকাশ ঢাকি

নিবিড় মেঘ কে দিল মেলে ?

কৃজনহীন কাননভূমি,

দুয়ার-দেওয়া সকল ঘরে,

একেলা কোন্ পথিক ভূমি

পথিকহীন পথের পরে !

হে একা সখা, হে প্রিয়তম,

রয়েছে খোলা এ ঘর মম,

সমুখ দিয়ে স্বপনসম

যেয়ো না মোরে হেলায় ঠেলে ॥

২০

আষাঢ় সন্ধ্যা ঘনিয়ে এল,
 গেলরে দিন ব'য়ে ।
 বাঁধনহারা বৃষ্টি-ধারা
 ঝরচে র'য়ে র'য়ে ।

একলা বসে' ঘরের কোণে
 কি ভাবি যে আপন মনে,
 সজল হাওয়া যুথীর বনে
 কি কথা যায় ক'য়ে !
 বাঁধনহারা বৃষ্টি-ধারা
 ঝরচে র'য়ে র'য়ে ।

হৃদয়ে আজ ঢেউ দিয়েছে
 খুজে না পাই কূল ;
 সৌরভে প্রাণ কাঁদিয়ে তুলে
 ভিক্ষে বনের ফুল ।

আঁধার রাতে প্রহরগুলি
 কোন্ সুরে আজ ভরিয়ে তুলি,
 কোন্ ভুলে আজ সকল ভুলি'
 আছি আকুল হ'য়ে !
 বাঁধনহারা বৃষ্টি-ধারা
 ঝরছে র'য়ে র'য়ে ॥

২১

আজি বড়ের রাতে তোমার অভিসার,
পরাণসখা বন্ধু হে আমার ।

আকাশ কাঁদে হতাশ সম,
নাই যে ঘুম নয়নে মম,
দুয়ার খুলি, হে প্রিয়তম,
চাই যে বারে বার ।
পরাণসখা বন্ধু হে আমার ।

বাহিরে কিছু দেখিতে না পাই,
তোমার রথ কোথায় ভাবি তাই ।

সুদূর কোন্ নদীর পারে,
গহন কোন্ বনের ধারে,
গভীর কোন্ অন্ধকারে
হতেছ তুমি পার ।
পরাণসখা বন্ধু হে আমার !

২২

জানি জানি কোন্ আদি কাল হ'তে
 ভাসালে আমারে জীবনের স্রোতে,
 সহসা হে প্রিয় কত গৃহে পথে
 রেখে গেছ প্রাণে কত হরষণ !

কতবার তুমি মেঘের আড়ালে
 এমনি মধুর হাসিয়া দাঁড়ালে,
 অরুণ-কিরণে চরণ বাড়ালে,
 ললাটে রাখিলে শুভ পরশন ।

সঞ্চিত হ'য়ে আছে এই চোখে
 কত কালে কালে কত লোকে লোকে
 কত নব নব আলোকে আলোকে
 অরূপের কত রূপ দরশন ।

কত যুগে যুগে কেহ নাহি জানে
 ভরিয়া ভরিয়া উঠেছে পরাণে
 কত স্মৃতি ছুখে কত প্রেমে গানে
 অমৃতের কত রস বরষণ ॥

২৩

তুমি কেমন করে' গান কর যে গুণী
অবাক হ'য়ে শুনি, কেবল শুনি ।

স্বরের আলো ভুবন ফেলে ছেয়ে
স্বরের হাওয়া চলে গগন বেয়ে,
পাষণ টুটে ব্যাকুল বেগে ধেয়ে
বহিয়া যায় স্বরের স্বরধ্বনী ।

মনে করি অমনি স্বরে গাই,
কণ্ঠে আমার স্বর খুঁজে না পাই ।
কইতে কি চাই, কইতে কথা বাধে,
হার মেনে যে পঁরাণ আমার কাঁদে,
আমায় তুমি ফেলেছ কোন্ ফাঁদে,
চৌদিকে মোর স্বরের জাল বৃনি ॥

অমন আড়াল দিয়ে লুকিয়ে গেলে
চলবে না ।

এবার হৃদয় মাঝে লুকিয়ে বোসো
কেউ জানবে না কেউ বলবে না ।
বিশ্বে তোমার লুকোচুরি,
দেশ-বিদেশে কতই যুরি,
এবার বল আমার মনের কোণে
দেবে ধরা, ছলবে না !

আড়াল দিয়ে লুকিয়ে গেলে
চলবে না ।

জানি আমার কঠিন হৃদয়
চরণ রাখার যোগ্য সে নয়,

সখা তোমার হাওয়া লাগলে হিয়ায়
তবু কি প্রাণ গলবে না ?

না হয় আমার নাই সাধনা !
ঝরলে তোমার কৃপার কণা
তখন নিমেষে কি কুটবে না ফুল
টকিতে ফল ফলবে না ?

আড়াল দিয়ে লুকিয়ে গেলে
চলবে না ॥

২৫

যদি তোমার দেখা না পাই প্রভু
এবার এ জীবনে,
তবে তোমায় আমি পাইনি যেন.
সে-কথা রয় মনে ।
যেন ভুলে না যাই, বেদনা পাই,
শয়নে স্বপনে ।

গীতাঞ্জলি

এ সংসারের হাটে
 আমার যতই দিবস কাটে,
 আমার যতই ছু'হাত ভরে' ওঠে ধনে
 তবু কিছুই আমি পাইনি যেন
 সে-কথা রয় মনে,
 যেন ভুলে না যাই, বেদনা পাই
 শয়নে স্বপনে ।

যদি আলস ভরে
 আমি বসি পথের পরে,
 যদি ধূলায় শয়ন পাতি সযতনে,
 যেন সকল পথই বাকি আছে
 সে-কথা রয় মনে,
 যেন ভুলে না যাই, বেদনা পাই
 শয়নে স্বপনে ।

যতই উঠে হাসি,
 ঘরে যতই বাজে বাঁশি,
 ওগো যতই গৃহ সাজাই আয়োজনে,
 যেন তোমায় ঘরে হয়নি আনা
 সে-কথা রয় মনে,
 যেন ভুলে না যাই, বেদনা পাই
 শয়নে স্বপনে ॥ \

২৬

হেরি অহরহ তোমারি বিরহ

ভুবনে ভুবনে রাজে হে ।

কত রূপ ধরে' কাননে ভূধরে

আকাশে সাগরে সাজে হে ।

সারা নিশি ধরি তারায় তারায়

অনিমেষ চোখে নীরবে দাঁড়ায়,

পল্লবদলে শ্রাবণ-ধারায়

তোমার বিরহ বাজে হে ।

ঘরে ঘরে আজি কত বেদনায়

তোমারি গভীর বিরহ ঘনায়,

কত প্রেমে হয় কত বাসনায়

কত সুখে দুখে কাজে হে ।

সকল জীবন উদাস করিয়া

কত গানে সুরে গলিয়া বরিয়া

তোমার বিরহ উঠেছে ভরিয়া

আমার হিয়ার মাঝে হে ॥

২৭

আর নাইরে বেলা নামূল ছায়া
ধরনীতে,

এখন চল্বে ঘাটে, কলসখানি
ভরে' নিতে ।

জলধারার কলস্বরে
সন্ধ্যাগগন আকুল করে,
ওরে ডাকে আমায় পথের পরে
সেই ধ্বনিতে ।

চল্বে ঘাটে কলসখানি
ভরে' নিতে ।

এখন বিজন পথে করে না কেউ
আমা-যাওয়া,

ওরে প্রেম-নদীতে উঠেছে ঢেউ
উতল হাওয়া ।

জানিনে আর ফিরব কি না,
কার সাথে আজ হবে চিনা,
ঘাটে সেই অজানা বাজায় বীণা
তরনীতে ।

চল্বে ঘাটে কলসখানি
ভরে' নিতে ॥

২৮

আজ বারি ঝরে ঝর ঝর
ভরা বাদরে ।

আকাশ-ভাঙা আকুল ধারা
কোথাও না ধরে ।

শালের বনে থেকে থেকে,
ঝড় দোলা দেয় হেঁকে হেঁকে,
জল ছুটে যায় এঁকে বেঁকে
মাঠের পরে ।

আজ মেঘের জটা উড়িয়ে দিয়ে
নৃত্য কে করে !

ভরে বৃষ্টিতে মোর ছুটেছে মন,
লুটেছে ঐ ঝড়ে,
বুক ছাপিয়ে তরঙ্গ মোর
কাহার পায়ে পড়ে !

অস্তুরে আজ কি কলরোল,
দ্বারে দ্বারে ভাঙল আগল,
হৃদয় মাঝে জাগল পাগল
আজি ভাদরে ।

আজ এমন করে' কে মেতেছে
বাহিরে ঘরে !

২৯

শ্রদ্ধ . তোমা লাগি আঁখি কাগে ;
দেখা নাই পাই,
পথ চাই
সে-ও মনে ভালো লাগে ।

ধূলাতে বসিয়া ঘারে
ভিখারী হৃদয় হা রে
তোমারি করুণা মাগে !
কৃপা নাই পাই
শুধু চাই,
সে-ও মনে ভালো লাগে ।

আজি এ জগৎ মাঝে
কত সুখে কত কাজে
চলে' গেল সবে আগে ।
সাথী, নাই পাই
তোমায় চাই,
সে-ও মনে ভালো লাগে ।
চারিদিকে সুখাভরা
ব্যাকুল শ্যামল ধরা
কঁদায় রে অনুরাগে ।
দেখা নাই পাই
ব্যথা পাই,
সে-ও মনে ভালো লাগে ॥

খনে জনে আছি জড়ায়ে হায়
তবু জান, মন তোমারে চায় !

অস্তুরে আছি হে অস্তুর্যামী,
আমা চেয়ে আমায় জানিছ স্বামী,
সব সুখে দুখে ভুলে থাকায়
জান মম মন তোমারে চায় ।

ছাড়িতে পারিনি অহঙ্কারে,
দুরে মরি শিরে বহিয়া তা'রে,
ছাড়িতে পারিলে বাঁচি যে হায়
তুমি জান, মন তোমারে চায় ।

যা আছে আমার সকলি কবে
নিজ হাতে তুমি তুলিয়া লবে !
সব ছেড়ে সব পাব তোমায়
মনে মনে মন তোমারে চায় ॥

৩১

এই যে তোমার প্রেম, ওগো

হৃদয়হরণ !

এই যে পাতায় আলো নাচে

সোনার বরণ ।

এই যে মধুর আলস ভরে

মেঘ ভেসে যায় আকাশ পরে,

এই যে বাতাস দেহে করে

অমৃত স্করণ ।

এই ত তোমার প্রেম, ওগো

হৃদয়হরণ !

প্রভাত আলোর ধারায় আমার

নয়ন ভেসেছে !

এই তোমারি প্রেমের বাণী

প্রাণে এসেছে !

তোমারি মুখ ঐ বুয়েছে,

মুখে আমার চোখ খুয়েছে,

আমার হৃদয় আজ ছুঁয়েছে,

তোমার চরণ ॥

৩২

আমি হেথায় থাকি শুধু
 গাইতে তোমার গান,
 দিয়ো তোমার জগৎ সভায়
 এইটুকু মোর স্থান ।

আমি তোমার ভুবন মাঝে
 লাগিনি নাথ, কোনো কাজে,
 শুধু কেবল সুরে বাজে
 অকাজের এই প্রাণ ।

নিশায় নীরব দেবালয়ে
 তোমার আরাধন,
 তখন মোরে আদেশ কোরো
 গাইতে হে, রাজন্ !

ভোরে যখন আকাশ জুড়ে
 বাজবে বীণা সোনার সুরে
 আমি যেন না রই দূরে
 এই দিয়ো মোর মান ॥

৩৩

দাও হে আমার ভয় ভেঙে দাও ।

আমার দিকে ও মুখ ফিরাও ।

পাশে থেকে চিন্তে নারি,
কোন্ দিকে যে কি নেহারি,
তুমি আমার হৃদবিহারী
হৃদয় পানে হাসিয়া চাও ।

বল আঁগায় বল কথা

গায়ে আমার পরশ কর ।

দক্ষিণ হাত বাড়িয়ে দিয়ে

আঁগায় তুমি তুলে ধর ।

যা বুঝি সব ভুল বুঝি হে,
যা খুঁজি সব ভুল খুঁজি হে,
হাসি মিছে, কান্না মিছে

সামনে এসে এ ভুল ঘুচাও

৩৪

আবার এরা ঘিরেছে মোর মন ।

আবার চোখে নামে যে আবরণ ।

আবার এ যে নানা কথাই জমে,

চিন্তা আমার নানা দিকেই ভ্রমে,

দাহ আবার বেড়ে ওঠে ক্রমে

আবার এ যে হারাই শ্রীচরণ ।

ভব নীরব বাণী হৃদয়তলে

ডোবে না যেন লোকের কোলাহলে !

সবার মাঝে আমার সাথে থাক,

আমায় সদা তোমার মাঝে ঢাক,

নিয়ত মোর চেতনা পরে রাখ

আলোকে-ভরা উদার ত্রিভুবন ॥

৩৫

আমার মিলন লাগি ভুমি
আস্চ কবে থেকে ।
তোমার চন্দ্র সূর্য্য তোমায়
রাখ্বে কোথায় ঢেকে ।

কত কালের সকাল সাঁঝে,
তোমার চরণধ্বনি বাজে,
গোপনে দূত হৃদয় মাঝে
গেছে আমায় ডেকে ।

ওগো পথিক, আজকে আমার
সকল পরাণ ব্যোপে
থেকে থেকে হরষ যেন
উঠ্চে কেঁপে কেঁপে ।

যেন সময় এসেছে আজ,
কুরানো মোর যা ছিল কাজ,
বাতাস আসে, হে মহারাজ,

তোমার গন্ধ মেখে ॥

৩৬

এস হে এস, সজল ঘন,
 বাদল বরিষণে ;
 বিপুল তব শ্যামল স্নেহে
 এস হে এ জীবনে ।

এস হে গিরিশিখর চুমি,
 ছায়ায় ঘিরি কাননভূমি ;
 গগন ছেয়ে এস হে ভূমি
 গভীর গরজনে ।

ব্যথিয়ে উঠে নৌপের বন
 পুলকভরা ফুলে ।
 উছলি উঠে কল রোদন
 নদীর কূলে কূলে ।

এস হে এস হৃদয়ভরা,
 এস হে এস পিপাসাহরা
 এস হে আঁখি-শীতল-করা
 ঘনায়ে এস মনে ॥

৩৭

পারবি না কি যোগ দিতে এই ছন্দে,
খসে' যাবার ভেসে যাবার

ভাঙবারই আনন্দে রে !

পাতিয়া কান শুনিস্ না যে
 দিকে দিকে গগন মাঝে
 মরণ বীণায় কি সুর বাজে
 তপন-তারা চন্দ্রে
 জ্বালিয়ে আগুন ধেয়ে ধেয়ে
 জ্বলবারই আনন্দে রে!

পাগল-করা গানের তানে
 ধায় যে কোথা কেই-বা জানে,
 চায় না ফিরে পিছন পানে
 রয় না বাঁধা বন্ধেরে
 লুটে যাবার ছুটে যাবার
 চলবারই আনন্দে রে!

সেই আনন্দ-চরণপাতে
 ছয় ঋতু যে নৃত্যে মাতে,
 প্লাবন বহে' বায় ধরাতে
 বরণ গীতে গন্ধেরে
 ফেলে দেবার ছেড়ে দেবার
 মরবারই আনন্দে রে ॥

৩৮

নিশার স্বপন ছুটল রে এই

ছুটল রে !

টুটল বাঁধন টুটল রে !

রইল না তার আড়াল প্রাণে,

বেরিয়ে এলাম জগৎ পানে,

হৃদয়-শতদলের সকল

দলগুলি এই ফুটল রে, এই

ফুটল রে ।

দুয়ার আমার ভেঙে শেষে

দাঁড়ালে যেই আপনি এসে

নয়ন-জলে ভেসে হৃদয়

চরণ-তলে লুটল রে !

আকাশ হ'তে প্রভাত-আলো

আমার পানে হাত বাড়ালো,

ভাঙা-কারার দ্বারে আমার,

জয়ধ্বনি উঠল রে, এই

উঠল রে !

৩৯

শরতে আজ কোন্ অতিথি
 এল প্রাণের দ্বারে !
 আনন্দ-গান গারে হৃদয়
 আনন্দ-গান গারে !

নীল আকাশের নীরব কথা,
 শিশির-ভেজা ব্যাকুলতা,
 বেজে উঠুক আজি তোমার
 বীণার তারে তারে ।

শস্তুক্ষেতের সোনার গানে
 যোগ দেবে আজ সমান তানে,
 ভাসিয়ে দে সুর ভরা নদীর
 অমল জলধারে।

বে এসেছে তাহার মুখে
 দেখরে চেয়ে গভীর সুখে
 ছয়ার খুলে তাহার সাথে
 বাহির হ'য়ে ধারে ॥

৪০ .

হেথা সে গান গাইতে আসা আমার
হয়নি সে গান গাওয়া ।

আজ্ঞে কেবলি সুর সাধা, আমার
কেবল গাইতে চাওয়া ।

আমার লাগে নাই সে সুর, আমার
 বাঁধে নাই সে কথা,
 শুধু প্রাণেরই মাঝখানে আছে
 গানের ব্যাকুলতা !
 আজো ফোটে নাই সে ফুল, শুধু
 বহেছে এক হাওয়া ।

আমি দেখি নাই তা'র মুখ, আমি
 শুনি নাই তা'র বাণী,
 কেবল শুনি ক্ষণে ক্ষণে তাহার
 পায়ের ধ্বনিখানি !
 আমার দ্বারের সমুখ দিয়ে সেজন
 করে আসা-যাওয়া ।

শুধু আসন পাতা হ'ল আমার
 সারাটি দিন ধরে',
 ঘরে হয়নি প্রদীপ জ্বালা, তা'রে
 ডাক্ব কেমন করে' !
 আছি পাবার আশা নিয়ে, তা'রে
 হয়নি আমার 'পাওয়া ॥

৪১

যা হারিয়ে যায় তা আগলে বসে'
 হইব কত আর ।

আর পারিনে রাত জাগতে হে নাথ,
 ভাবতে অনিবার ।

আছি রাত্রি দিবস ধরে'
 দুয়ার আমার বন্ধ করে',
 আস্তে যে চায় সন্দেহে তা'র
 তাড়াই রায়ে বার ।

তাই ত কারো হয় না আসা
 আমার একা ঘরে ।
 আনন্দময় ভুবন তোমার
 বাইরে খেলা করে ।

‘তুমিও বুঝি পথ নহি পাও,
 এসে এসে ফিরিয়া যাও
 রাখতে যা চাই রয় না তাও’
 ধূলায় একাকার ॥

৪২

এই মলিন বস্ত্র ছাড়তে হবে
 হয়ে গো এইবার
 আমার এই মলিন অহঙ্কার ।
 দিনের কাজে ধূলা লাগি
 অনেক দাগে হ'ল দাগী,
 এমনি তপ্ত হ'য়ে আছে
 সহ করা ভার ,

আমার এই মলিন অহঙ্কার ।
 এখন ত কাজ সাজ হ'ল
 দিনের অবসানে,
 হ'ল রে তাঁর আসার সময়
 আশা এল প্রাণে ।

স্নান করে' আয় এখন তবে
 প্রেমের বসন পরতে হবে,
 সঙ্ক্যাবনের কুসুম তুলে
 গাঁথতে হবে হার

ওরে আয় সময় নেই যে আর ॥

৪৩

গায়ে আমার পুলক লাগে,
চোখে ঘনায় ঘোর,
হৃদয়ে মোর কে বেঁধেছে
রাঙা রাখীর ডোর !

আজিকে এই আকাশ-তলে
জলে স্থলে ফুলে ফলে
কেমন করে' মনোহরণ
ছড়ালে মন মোর !

কেমন খেলা হ'ল আমার
আজি তোমার সনে !
পেয়েছি কি খুঁজে বেড়াই
ভেবে না পাই মনে !

আনন্দ আজ কিসের হলে
কাঁদিতে চায় নয়নজলে,
বিরহ আজ মধুর হ'য়ে
করেছে প্রাণ ভোর !

৪৪

প্রভু আজি তোমার দক্ষিণ হাত
 রেখো না ঢাকি' !
 এসেছি তোমারে, হে নাথ,
 পরাতে রাখী ।

যদি বাঁধি তোমার হাতে
 পড়ব বাঁধা সবার সাথে,
 যেখানে যে আছে, কেহই
 র'বে না বাকি ।

আজি যেন ভেদ নাহি রয়
 আপনা পরে,
 আমার যেন এক দেখি হে
 বাহিরে ঘরে ।

তোমার সাথে যে বিচ্ছেদে
 ঘুরে বেড়াই কেঁদে কেঁদে,
 ক্ষণেক তরে যুচাতে তাই
 তোমারে ডাকি ॥

৪৫

জগতে আনন্দ-যজ্ঞে আমার নিমন্ত্রণ ।

ধন্য হ'ল ধন্য হ'ল মানব-জীবন ।

নয়ন আমার রূপের পুরে

সাধ মিটায় বেড়ায় ঘুরে,

শ্রবণ আমার গভীর সুরে

হয়েছে মগন ।

তোমার যজ্ঞে দিয়েছ ভার

বাজাই আমি বাঁশি ।

গানে গানে গেঁথে বেড়াই

প্রাণের কান্না হাসি ।

এখন সময় হয়েছে কি ?

সভায় গিয়ে তোমায় দেখি'

জয়ধ্বনি শুনিয়ে যাব

এ মোর নিবেদন ॥

৪৬

আলোর আলোকময় করেছে

এলে আলোর আলো !

আমার নয়ন হ'তে আঁধার

মিলালো মিলালো ।

সকল আকাশ সকল ধরা

আনন্দে হাসিতে ভরা,

যে-দিক্ পানে নয়ন মেলি

ভালো সবি ভালো ।

তোমার আলো গাছের পাতায়

নাচিয়ে তোলে প্রাণ ।

তোমার আলো পাখীর বাসায়

জাগিয়ে তোলে গান ।

তোমার আলো ভালবেসে

পড়েছে মোর গায়ে এসে

হৃদয়ে মোর নিশ্চল হাত

বুলালো বুলালো ॥

৪৮

রূপসাগরে ডুব দিয়েছি

অরূপ রতন আশা করি ;

ঘাটে ঘাটে ঘুরব না আর

ভাসিয়ে আমার জীর্ণ তরী ।

সময় যেন হয়রে এবার

চেউ খাওয়া সব চুকিয়ে দেবার,

সুধায় এবার তলিয়ে গিয়ে

‘ অমর হ’য়ে র’ব মরি ! ’

যে গান কানে যায় না শোনা

সে গান যেথায় নিত্য বাজে

প্রাণের বীণা নিয়ে যাবো

সেই অতলের সভা মাঝে ।

চিরদিনের সুরটি বেঁধে

শেষ গানে তা’র কান্না কেঁদে,

নীরব যিনি তাঁহার পায়ে

নীরব বীণা দিব ধরি’ ॥

৪৯

আকাশ তলে উঠল ফুটে
আলোর শতদল ।
পাপ্‌ড়িগুলি খরে খরে
ছড়াল দিক্-দিগন্তরে,
ঢেকে গেল অন্ধকারের
নিবিড় কালো জল ।
মাঝখানেতে সোনার কোষে
আনন্দে ভাই আছি বসে',
আমায় ঘিরে ছড়ায় ধীরে
আলোর শতদল ।

আকাশেতে চেউ দিয়েছে
বাতাস বহে' যায় ।
চারদিকে গান বেজে ওঠে,
চারদিকে প্রাণ নাচে ছোটে,
গগনভরা পরশখানি
লাগে সকল গায় ।
ডুব দিয়ে এই প্রাণসাগরে
নিতেছি প্রাণ বক্ষ ভরে',
ফিরে ফিরে আমায় ঘিরে
বাতাস বহে' যায়

দশদিকেতে আঁচল পেতে
 কোল দিয়েছে মাটি
 রয়েছে জীব যে যেখানে
 সকলকে সে ডেকে আনে,
 সবার হাতে সবার পাতে
 'অন্ন সে দেয় বাঁটি' ।
 ভরেছে মন গীতে গন্ধে,
 বসে' আছি মহানন্দে,
 আমায় ঘিরে আঁচল পেতে
 কোল দিয়েছে মাটি ।

আলো, তোমায় নমি, আমার
 মিলাক্ অপরাধ ।

ললাটেতে রাখ' আমার
 পিতার আশীর্ব্বাদ ।

বাতাস, তোমায় নমি, আমার
 ঘুচুক অবসাদ,

সকল দেহে বুলায়ে দাও
 পিতার আশীর্ব্বাদ ।

মাটি, তোমায় নমি, আমার
 মিটুক সর্ব্বসাধ ।

গৃহ ভরে' ফল্লিয়ে তোলো
 পিতার আশীর্ব্বাদ ॥

✓ ৫০

হেথায় তিনি কোল পেতেছেন
আমাদের এই ঘরে ।
আসনটি তাঁর সাজিয়ে দে ভাই
গনের মত করে' ।
গান গেয়ে আনন্দ মনে
ঝাঁটিয়ে দে সব ধূলা ।
যত্ন করে' দূর করে' দে
আবর্জনাগুলো ।

জল ছিটিয়ে ফুলগুলি রাখ
 'সাজিখানি ভরে'—
 আসনটি তাঁর সাজিয়ে দে ভাই
 মনের মত করে' !

দিন রজনী আছেন' তিনি
 আমাদের এই ঘরে,
 সকাল বেলায় তাঁরি হাসি
 আলোক ঢেলে পড়ে ।
 যেমনি ভোরে জেগে উঠে'
 নয়ন মেলে' চাই
 খুসি হ'য়ে আছেন চেয়ে
 দেখ'তে মোরা পাই ।
 তাঁরি মুখের প্রসন্নতায়
 সমস্ত ঘর ভরে ।
 সকাল বেলায় তাঁরি হাসি
 আলোক ঢেলে পড়ে ।

একলা তিনি বসে' থাকেন
 আমাদের এই ঘরে
 আমরা যখন অন্য কোথাও
 চলি কাজের তরে

দ্বারের কাছে তিনি মোদের
 এগিয়ে দিয়ে যান ;—
 মনের স্মৃথে ধাইরে পথে,
 আনন্দে গাই গান ।
 দিনের শেষে কিরি যখন
 নানা কাজের পরে
 দেখি তিনি একলা বসে'
 আমাদের এই ঘরে ।

তিনি জেগে বসে' থাকেন
 আমাদের এই ঘরে,
 আমরা যখন অচেতনে
 সুমাই শয্যাপরে ।
 জগতে কেউ দেখতে না পায়
 লুকানো তাঁর বাতি,
 আঁচল দিয়ে আড়াল করে'
 জ্বালান সারা রাতি ।
 সুমের মধ্যে স্বপন কতই
 আনাগোনা করে,
 অন্ধকারে হাসেন তিনি
 আমাদের এই ঘরে ॥

৫১

নিভৃত প্রাণের দেবতা

যেখানে জাগেন একা,

ভক্ত, সেথায় খোল দ্বার,

আজ ল'ব তাঁর দেখা ।

সারাদিন শুধু বাহিরে

ঘুরে ঘুরে করে চাহিরে,

সন্ধ্যাবেলার আরতি

হয়নি আমার শেখা ।

তব জীবনের আলোতে

জীবন-প্রদীপ জ্বালি'

হে পূজারী, আজ নিভূতে

সাজাব আমার থালি ।

যেথা নিখিলের সাধনা

পূজা-লোক করে রচনা,

সেথায় আমিও ধরিব

একটি জ্যোতির রেখা

৫২

কোন্ আলোতে প্রাণের প্রদীপ
জ্বালিয়ে তুমি ধরায় আস !
সাধক ওগো, প্রেমিক ওগো,
পাগল ওগো ধরায় আস !

এই অকূল সংসারে
দুঃখ আঘাত তোমার প্রাণে বীণা বন্ধারে ।
ঘোর বিপদ মাঝে
কোন্ জননীর মুখের হাসি দেখিয়া হাস ।
তুমি কাহার সন্ধানে
সকল স্মৃথে আগুন জ্বলে বেড়াও কে জানে !
এমন ব্যাকুল করে
কে তোমারে কাঁদায় যারে ভালবাস ?
তোমার ভাবনা কিছু নাই—
কে যে তোমার সাথের সাথী ভাবি মনে তাই ।
তুমি মরণ ভুলে
কোন্ অনন্ত প্রাণসাগরে আনন্দে ভাস ॥

৫৩

তুমি আমার আপন, তুমি আছ আমার কাছে,
 এই কথাটি বলতে দাও হে বলতে দাও !
 তোমার মাঝে মোর জীবনের সব আনন্দ আছে,
 এই কথাটি বলতে দাও হে বলতে দাও !

আমায় দাও সুধাময় সুর,
 আমার বাণী কর সুমধুর.
 আমার প্রিয়তম তুমি, এই কথাটি
 বলতে দাও হে বলতে দাও !

এই নিখিল আকাশ ধরা
 এই যে তোমায় দিয়ে ভরা,
 আমার হৃদয় হ'তে এই কথাটি
 বলতে দাও হে বলতে দাও ।

দুখী জেনেই কাছে আস,
 ছোট বলেই ভালবাস,
 আমার ছোট মুখে এই কথাটি
 বলতে দাও হে বলতে দাও ॥

✓ ৫৪

নামাও নামাও আমায় তোমার
চরণতলে,
গলাও হে মন, ভাসাও জীবন
নয়নজলে ।

একা আমি অহঙ্কারের
উচ্চ অচলে,
পাষণ আসন ধূলায় লুটাও
ভাঙ সবলে ।
নামাও নামাও আমায় তোমার
চরণতলে ।

কি ল'য়ে বা গর্ব করি
ব্যর্থ জীবনে !
ভরা গৃহে শূন্য আমি
তোমা বিহনে ।

দিনের কর্ম ডুবেছে মোর
আপন অতলে
সন্ধ্যাবেলার পূজা যেন
থায় না বিফলে !
নামাও নামাও আমায় তোমার
চরণতলে ॥

৫৫

আজি গন্ধবিধুর সমীরণে
 কা'র সন্ধানে ফিরি বনে বনে ?
 আজি স্কন্ধ নীলাম্বর মাঝে
 এ কি চঞ্চল ক্রন্দন বাজে !
 সুদূর দিগন্তের সাক্ষর সঙ্গীত
 লাগে মোর চিন্তায় কাজে—
 আমি খুঁজি করে অন্তরে মনে
 গন্ধবিধুর সমীরণে ॥

ওগো জানি না কি নন্দনরাগে
 সুখে উৎসুক যৌবন জাগে ।
 আজি আত্মমুকুল-সৌগন্ধ্যে,
 নব- পল্লব-মর্ম্মর ছন্দে,
 চন্দ্র-কিরণ-সুধা-সিক্ত অম্বরে
 অশ্রু-সরস মহানন্দে
 আমি পুলকিত কার পরশনে
 গন্ধবিধুর সমীরণে ॥

৫৬

আজি বসন্ত জাগ্রত দ্বারে ।

তব অবগুষ্ঠিত কুণ্ঠিত জীবনে

কোরো না বিড়ম্বিত তাঁ'রে ।

আজি খুলিয়ো হৃদয়দল খুলিয়ো,

আজি ভুলিয়ো আপনপর ভুলিয়ো,

এই সঙ্গীত-মুখরিত গগনে

তব গন্ধ তরঙ্গিয়া তুলিয়ো ।

এই বাহির ভুবনে দিশা হারায়ে

দিয়ো ছড়ায়ে মাধুরী ভারে ভারে

অতি নিবিড় বেদনা বনমাঝারে •

আজি পল্লবে পল্লবে বাজে, —

দূরে গগনে কাহার পথ চাহিয়া

আজি ব্যাকুল বসুন্ধরা সাজে ।

মোর পরাণে দখিণ বায়ু লাগিছে,

কারে দ্বারে দ্বারে কর হানি মাগিছে,

এই সৌরভ-বিহ্বল-রজনী

কার চরণে ধরণীতলে জাগিছে ?

ওগো সুন্দর, বল্লভ, কান্ত,

তব গস্তীর আহ্বান কারে ?

৫৭

তব সিংহাসনের আসন হ'তে
 এলে তুমি নেমে,
 মোর বিজন ঘরের দ্বারের কাছে
 দাঁড়ালে নাথ, থেমে

একলা বসে' আপন মনে
 গাইতেছিলেম গান,
 তোমার কানে গেল সে সুর
 এলে তুমি নেমে,—

মোর বিজন ঘরের দ্বারের কাছে
 দাঁড়ালে নাথ, থেমে ।

তোমার সভায় কত না গান
 কতই আছেন গুণী ;
 গুণহীনের গানখানি আজ
 বাজল তোমার প্রেমে

লাগল বিশ্ব-তানের মাঝে
 একটি করুণ সুর,
 হাতে ল'য়ে বরণমালা
 এলে তুমি নেমে,

মোর বিজন ঘরের দ্বারের কাছে
 দাঁড়ালে নাথ, থেমে ॥

৫৮

তুমি এবার আমায় লহ হে নাথ, লহ ।
এবার তুমি ফিরো না হে—
হৃদয় কেড়ে নিয়ে রহ ।

যে-দিন গেছে তোমা বিনা
তা'রে আর ফিরে চাহি না,
যাক্ সে ধূলাতে !
এখন তোমার আলোয় জীবন মেলে
যেন জাগি অহরহ ।
কি আবেশে, কিসের কথায়
ফিরেছি হে যথায় তথায়
পথে প্রান্তরে,
এবার বুকের কাছে ও মুখ রেখে
তোমার আপন বাণী কহ ।
কত কলুষ কত ফাঁকি
এখনো যে আছে বাকি
মনের গোপনে,
আমায় তা'র লাগি আর ফিরায়ো না,
তা'রে আগুন দিয়ে দহ ॥

୧୧

ଜୀବନ ଯଥନ ଶୁକାୟେ ବାୟ
 କରୁଣା-ଧାରାୟ ଏସୋ !
 ସକଳ ମାଧୁରୀ ଲୁକାୟେ ବାୟ,
 ଗୀତସୁଧାରସେ ଏସୋ ।

କର୍ମ୍ମ ଯଥନ ପ୍ରବଳ ଆକାର
 ଗରଜି ଉଠିଯା ଡାକେ ଚାରିଧାର,
 ହୃଦୟପ୍ରାନ୍ତେ ହେ ନୀରବ ନାଥ
 ଶାନ୍ତ ଚରଣେ ଏସୋ ।

ଆପନାରେ ଧବେ କରିଯା କୃପଣ
 କୋଣେ ପଡ଼େ' ଥାକେ ଦୀନହୀନ ମନ,
 ଦୁୟାର ଖୁଲିଯା, ହେ ଉଦାର ନାଥ,
 ରାଜ-ସମାରୋହେ ଏସୋ !

ବାସନା ଯଥନ ବିପୂଳ ଧୂଳାୟ
 ଅନ୍ଧ କରିଯା ଅବୋଧେ ଭୁଳାୟ
 ଓହ୍ଲେ ପବିତ୍ର, ଓହ୍ଲେ ଅନିଦ୍ର,
 ରୁଦ୍ର ଆଲୋକେ ଏସୋ ॥

৬০

এবার নীরব করে' দাও হে তোমার
মুখর কবিরে ।

তা'র হৃদয়-বাঁশি আপনি কেড়ে
বাজাও গভীরে ।

নিশীথরাতের নিবিড় সুরে
বাঁশিতে তান, দাও হে পূরে,
যে তান দিয়ে অবাক কর
গ্রহ শশীরে !

যা-কিছু মোর ছড়িয়ে আছে
জীবন মরণে,
গানের টানে মিলুক এসে
তোমার চরণে ।

বহুদিনের বাক্যরাশি
এক নিমেষে 'যাবে ভাসি,
একলা বসে' শুন্ব বাঁশি
অকূল ভিমিরে ॥

৩০ চৈত্র, ১৩১৬ .

৬১

বিশ্ব যখন নিদ্রামগন,
 গগন অন্ধকার ;
 কে দেয় আমার বীণার তারে
 এমন বাস্কার ।
 নয়নে ঘুম নিল কেড়ে,
 উঠে বসি শয়ন ছেড়ে,
 মেলে আঁখি চেয়ে থাকি
 পাইনে দেখা তা'র ।

গুঞ্জরিয়া গুঞ্জরিয়া
 প্রাণ উঠিল পূরে
 জানিনে কোন্ বিপুল বাণী
 বাজে ব্যাকুল সুরে ।
 কোন্ বেদনায় বুঝি নারে
 হৃদয়ভরা অশ্রুভারে,
 পরিয়ে দিতে চাই কাহারে
 আপন কণ্ঠহার ॥

৬২

সে যে পাশে এসে বসেছিল
তবু জাগি নি ।
কি যুম তোরে পেয়েছিল
হতভাগিনী !
এসেছিল নীরব রাতে,
বাণ্যখানি ছিল হাতে,
স্বপনমাঝে বাজিয়ে গেল
গভীর রাগিনী ।

জেগে দেখি দখিণ হাওয়া
পাগল করিয়া
গন্ধ তাহার ভেসে বেড়ায়
আঁধার ভরিয়া ।
কেন আমার রজনী যায়
কাছে পেয়ে কাছে না পায়,
কেন গো তা'র মালার প্ৰশ
বুকে লাগে নি ॥

৬৩

তোরা শুনিস্ নি কি শুনিস্ নি তা'র পায়ের ধ্বনি,

ঐ যে আসে, আসে, আসে ।

যুগে যুগে পলে পলে দিনরজনী

সে যে আসে, আসে, আসে ।

গেয়েছি গান যখন যত

আপন মনে ক্ষ্যাপার মত

সকল সুরে বেজেছে তা'র

আগমনী—

সে যে আসে, আসে, আসে !

কত কালের ফাগুন দিনে বনের পথে

সে যে আসে, আসে, আসে ।

কত শ্রাবণ অন্ধকারে মেঘের রথে

সে যে আসে, আসে, আসে ।

দুখের পরে পরম দুখে,

তারি চরণ বাজে বৃকে,

সুখে কখন বুলিয়ে সে দেয়

পরশমণি !

সে যে আসে, আসে, আসে ॥

৬৪

মেনেছি, হার মেনেছি ।
ঠেলতে গেছি তোমায় যত
আমায় তত হেনেছি ।

আমার চিন্তগগন থেকে
তোমায় কেউ যে রাখবে ঢেকে
কোনোমতেই সহাবে না সে
বারেবারেই জেনেছি ।

অতীত জীবন ছায়ার মত
চল্চে পিছে পিছে,
কত মায়ার বাঁশির সুরে
ডাক্চে আমায় মিছে ।

মিল ছুটেছে তাহার সাথে.
ধরা দিলেম তোমার হাতে,
যা আছে মোর এই জীবনে
তোমার দ্বারে এনেছি ॥

৬৫

একটি একটি করে' তোমার
 পুরানো তার খোলো,
 সেতারখানি নূতন বেঁধে তোলো ।

ভেঙে গেছে দিনের মেলা,
 বসবে সভা সন্ধ্যা বেলা,
 শেষের সুর যে বাজাবে তা'র
 আসার সময় হোলো—
 সেতারখানি নূতন বেঁধে তোলো ॥

দুয়ার তোমার খুলে দাওগো
 আঁধার আকাশ পরে,
 সপ্ত লোকের নীরবতা
 আশুক তোমার ঘরে ।

এতদিন যে গেয়েছ গান
 আজকে তারি হোক অবসান,
 এ যন্ত্র যে তোমার যন্ত্র
 সেই কথাটাই ভোলো ।
 সেতারখানি নূতন বেঁধে তোলো ॥

৬৬

কবে আমি বাহির হলেম তোমারি গান গেয়ে—

সে ত আজকে নয় সে আজকে নয় ।

ভুলে গেছি কবে থেকে আস্‌চি তোমায় চেয়ে

সে ত আজকে নয় সে আজকে নয় ।

ঝরুণা যেমন বাহিরে যায়,

জানে না সে কাহারে চায়

তেমনি করে' ধেয়ে এলেম

জীবনধারা বেয়ে—

সে ত আজকে নয় সে আজকে নয় ।

কতই নামে ডেকেছি যে,

কতই ছবি এঁকেছি যে,

কোন্ আনন্দে চলেছি, তা'র

ঠিকানা না পেয়ে—

সে ত আজকে নয় সে আজকে নয় ।

পুষ্প যেমন আলোর লাগি

না জেনে রাত কাটায় জাগি,

তেমনি তোমার আশায় আমার

হৃদয় আছে ছেয়ে—

সে ত আজকে নয় সে আজকে নয় ॥

৬৭

তোমার প্রেম যে বইতে পারি
 এমনি সাধ্য নাই ।
 এ সংসারে তোমার আমার
 মাঝখানেতে তাই
 রূপা করে' রেখেছ নাথ
 অনেক ব্যবধান—
 দুঃখ সুখের অনেক বেড়া
 ধনজনমান ।
 আড়াল থেকে ক্ষণে ক্ষণে
 আভাসে দাও দেখা—
 কালো মেঘের ফাঁকে ফাঁকে
 রবির মূঢ় রেখা ।

শক্তি যারে দাও বহিতে
 অসীম প্রেমের ভার
 একেবারে সকল পর্দা
 ঘুচায়ে দাও তা'র ।
 না রাখ তা'র ঘরের আড়াল
 না রাখ তা'র ধন,
 পথে এনে নিঃশেষে তায়
 কর অকিঞ্চন ।
 না থাকে তা'র মান অপমান,
 লজ্জা সরম ভয়,
 একলা তুমি সমস্ত তা'র
 বিশ্ব ভুবনময় ।
 এমন ক'রে মুখোমুখি .
 সাম্নে তোমার থাকা,
 কেবলমাত্র তোমাতে প্রাণ
 পূর্ণ ক'রে রাখা,
 এ দয়া যে পেয়েছে, তা'র
 লোভের সীমা নাই—
 সকল লোভ সে সরিয়ে ফেলে
 তোমায় দিতে ঠাঁই ॥ .

৬৮

সুন্দর, তুমি এসেছিলে আজ প্রাতে
অরুণ বরণ পারিজাত ল'য়ে হাতে ।

নিদ্রিত পুরী, পথিক ছিল না পথে,
একা চলি' গেলে তোমার সোনার রথে,
বারেক খামিয়া, মোর বাতায়ন পানে
চেরেছিলে তব করুণ নয়নপাতে ।
সুন্দর, তুমি এসেছিলে আজ প্রাতে ।

স্বপন আমার ভরেছিল কোন্ গন্ধে,
ঘরের আঁধার কেঁপেছিল কি আনন্দে,
ধূলায় লুটানো নীরব আমার বীণা
বেজে উঠেছিল অনাহত কি আঘাতে ॥

কতবার আমি ভেবেছি'নু উঠি-উঠি,
আলস ত্যজিয়া পথে বাহিরাই ছুটি',
উঠি'নু যখন তখন গিয়েছ' চলে'

দেখা বুঝি আর হ'ল না তোমার সাথে ।
সুন্দর, তুমি এসেছিলে আজ প্রাতে ॥

৬৯

আমার খেলা যখন ছিল তোমার সনে
 তখন কে তুমি তা কে জান্ত !
 তখন ছিল না ভয় ছিল না লাজ মনে
 জীবন বহে' বেত অশান্ত ।
 তুমি ভোরের বেলা ডাক দিয়েছ কত,
 যেন আমার আপন সখার মত,
 হেসে তোমার সাথে ফিরেছিলেম ছুটে
 সেদিন কত না বন-বনান্ত ।

'ওগো সেদিন তুমি গাইতে যে-সব গান
 কোনো অর্থ তাহার কে জান্ত !
 শুধু সঙ্গে তারি গাইত আমার প্রাণ,
 সদা নাচত হৃদয় অশান্ত ।
 হঠাৎ খেলার শেষে আজ কি দেখি ছবি,
 স্তব্ধ আকাশ, নীরব শশী রবি,
 তোমার চরণপানে নয়ন করি নত
 ভুবন দাঁড়িয়ে আছে একান্ত ॥

২৭ জ্যৈষ্ঠ, ১৩১৭ .

৭০

এঁরে তরী দিল খুলে ।

ভোর বোঝা কে নেবে তুলে !

সাম্নে যখন যানি ওরে

থাক্ না পিছন পিছে পড়ে’

পিঠে তা’রে বহিতে গেলি,

একলা পড়ে’ রইলি কূলে ।

ঘরের বোঝা টেনে টেনে

পারের ঘাটে রাখলি এনে,

তাই যে ভোরে বারে বারে

ফিরতে হ’ল গেলি ভুলে ।

ডাক্‌রে আবার মাঝিরে ডাক্,

বোঝা তোমার যাক্ ভেসে যাক্

জীবনখানি উজাড় করে’

সঁপে দে তা’র চরণ-মূলে

৭১

চিত্ত আমার হারাল আজ
মেঘের মাঝখানে,
কোথায় ছুটে চলেছে সে
কোথায় কে জানে।

বিজুলী তা'র বীণার তারে
আঘাত করে বারে বারে
বুকের মাঝে বজ্র বাজে
কি মহা জানে !

পুঞ্জ পুঞ্জ ভারে ভারে
গস্তীর নীল অন্ধকারে
জড়ালরে অঙ্গ আমার
ছড়াল প্রাণে !

পাগল হাওয়া নৃত্যে মাতি'
হ'ল আমার সাথেক সাথী,
অটুহাসে ধায় কোথা সে
বারণ না মানো ॥

৭২

ওগো মৌন, না যদি কও
 না-ই कहিলে কথা !
 বন্ধ ভরি বইব আমি
 তোমার নীরবতা ।

স্বপ্ন হ'য়ে রইব পড়ে',
 রজনী রয় যেমন করে'
 জ্বালিয়ে তারা নিমেষ-হারা
 ধৈর্য্যে অবনত ।

হবে হবে প্রভাত হবে
 আঁধার যাবে কেটে ।
 তোমার বাণী সোনার ধারা
 পড়বে আকাশ ফেটে ।

তখন আমার পাখীর বাসায়
 জাগবে কি গনি তোমার ভাষায় ?
 তোমার তানে ফোটাবে ফুল
 আমার বনলতা ?

৭৩

যতবার আলো জ্বালাতে চাই
 নিবে যায় বারে বারে !
 আমার জীবনে তোমার আসন
 গভীর অন্ধকারে ।

যে লতাটি আছে শুকায়েছে মূল
 কুঁড়ি ধরে শুধু, নাহি ফোটে ফুল,
 আমার জীবনে তব সেবা তাই
 বেদনার উপহারে ।

পূজাগোরব পুণ্যবিভব
 কিছু নাহি, নাহি লেশ,
 এ তব পূজারি পরিয়া এসেছে
 লজ্জার দীন বেশ ।

উৎসবে তা'র আসে নাই কেহ,
 বাজে নাই বাঁশি সাজে নাই গেহ,
 কাঁদিয়া তোমায় এনেছে ডাকিয়া
 ভাঙা মন্দির-দ্বারে ॥

৭৪

সব হ'তে রাখব তোমায়
 আড়াল করে'
 হেন পূজার ঘর কোথা পাই
 আমার ঘরে !

যদি আমার দিনে রাতে,
 যদি আমার সবার সাগে
 দয়া করে' দাও ধরা, ত
 রাখব ধরে' ।

মান দিব যে তেমন মানী
 নই ত আমি.
 পূজা করি সে আয়োজন
 নাই ত স্বামী ।

যদি তোমায় ভালবাসি,
 আপনি বেজে উঠবে বাঁশি,
 আপনি ফুটে উঠবে কুসুম
 কানন ভরে' ॥

৭৫

বজ্রে তোমার বাজে বাঁশি,
সে কি সহজ গান ?
সেই সুরেতে জাগুব আমি
দাও মোরে সেই কান ।

ভুলব না আর সহজেতে,—
'সেই প্রাণে মন উঠবে মেতে
মৃত্যু মাবো ঢাকা আছে
যে অন্তহীন প্রাণ ।

সে বাড় বেন সেই আনন্দে
চিত্ত-বীণার তারে
সপ্ত সিন্ধু দশ দিগন্ত
নাচাও যে বাকারে ।

আরাম হ'তে ছিন্ন করে'
সেই গভীরে লও গো মোরে
অশান্তির অন্তরে যেথায়
শান্তি সুমহান্ ॥

৭৬

দয়া দিয়ে হবে গো মোর
 জীবন ধুতে ।
 নইলে কি আর পারব তোমার
 চরণ ছুঁতে ।
 তোমায় দিতে পূজার ডালি
 বেরিয়ে পড়ে সর্কল কালী,
 পরাণ আমার পারিনে তাই
 পায়ে থুতে । ”

এতদিন ত ছিল না মোর
 কোনো ব্যথা,
 সর্ব অঙ্গে মাখা ছিল
 মলিনতা ;
 আজ ঐ শুভ্র কোলের তরে
 ব্যাকুল হৃদয় কেঁদে মরে,
 দিয়ো না গো দিয়ো না আর
 ধূলায় শুতে ॥

২৪ জ্যৈষ্ঠ, ১৩১৭

৭৭

সভা যখন ভাঙবে তখন

শেষের গান কি যাব গেয়ে ?

হয় ত তখন কণ্ঠহারা

মুখের পানে র'ব চেয়ে ।

এখনো যে সুর লাগে নি

বাজবে কি আর সেই রাগিণী,

প্রেমের ব্যথা সোনার তানে

সঙ্ক্যাগগন ফেলবে ছেয়ে ?

এতদিন যে সেধেছি সুর

দিনেরাতে আপন মনে

ভাগ্যে যদি সেই সাধনা

সমাপ্ত হয় এই জীবনে—

এ জনমের পূর্ণ বাণী

মানস-বনের পদ্মখানি

ভাসাব শেষ সাগরপানে

বিশ্বগানের ধারা বেয়ে ॥

২৪ জ্যৈষ্ঠ, ১৩১৭

৭৮

চিরজনগের বেদনা,
ওহে চিরজীবনের সাধনা ।

তোমার আগুন উঠুক ত জ্বলে',
কৃপা করিয়ো না দুর্বল বলে' ;
যত তাপ পাই সহিবারে চাই,
পুড়ে হোক ছাই বাসনা ।

অমোঘ যে ডাক সেই ডাক দাও
আর দেরি কেন মিছে ?
যা আছে বাঁধন বন্ধ জড়ায়ে
ছিঁড়ে পড়ে' যাক পিছে ।
গরজি' গরজি' শঙ্খ তোমার
বাজিয়া বাজিয়া উঠুক এবার
গর্ব্ব টুটিয়া নিদ্রা ছুটিয়া
জাগুক তীব্র চেতনা ॥

২৬ জ্যৈষ্ঠ, ১৩১৭

৭৯ (২)

তুমি যখন গান গাহিতে বল
 গর্বর আমার ভরে' উঠে বৃকে ;
 দুই আঁখি মোর করে ছলছল,
 নিমেঘহারা চেয়ে তোমার মুখে ।
 কঠিন কটু যা আছে মোর প্রাণে
 গলিতে চার অন্ততময় গানে,
 সব সাধনা আরাধনা মম
 উড়িতে চায় পাখীর মত স্মুখে ।

তৃপ্ত তুমি আমার গীতরাগে,
 ভালো লাগে তোমার ভালো লাগে,
 জানি আমি এই গানেরি বলে
 বসি গিয়ে তোমারি সন্মুখে ।
 মন দিয়ে যার নাগাল নাহি পাই,
 গান দিয়ে সেই চরণ ছুঁয়ে যাই,
 সুরের ঘোরে আপনাকে যাই ভুলে,
 বন্ধু বলে' ডাকি মোর প্রভুকে ॥

৮০

যায় যেন মোর সকল ভালবাসা

প্রভু, তোমার পানে, তোমার পানে, তোমার পানে ।

যায় যেন মোর সকল গভীর আশা

প্রভু, তোমার কানে, তোমার কানে, তোমার কানে

চিত্ত মম যখন যেথায় থাকে

সাদা যেন দেয় সে তোমার ডাকে,

যত বাঁধা সব টুটে যায় যেন

প্রভু, তোমার টানে, তোমার টানে, তোমার টানে ।

বাহিরের এই ভিক্ষাভরা খালি,

এবার যেন নিঃশেষে হয় খালি,

অন্তর মোর গোপনে যায় ভরে'

প্রভু, তোমার দানে, তোমার দানে, তোমার দানে ।

হে বন্ধু মোর, হে অন্তরতর,

এ জীবনে যা-কিছু সুন্দর

সকলি আজ বেজে উঠুক সুরে

প্রভু, তোমার গানে, তোমার গানে, তোমার গানে ॥

৮১

তা'রা দিনের বেলা এসেছিল
 আমার ঘরে,—
 বলেছিল, একটি পাশে
 রইব পড়ে' ।
 বলেছিল, দেবতা সেবায়
 আমরা হব তোমার সহায়,—
 যা-কিছু পাই প্রসাদ ল'ব
 পূজার পরে ।

এমনি করে' দরিদ্র ক্ষীণ
 মলিন বেশে
 সঙ্কোচেতে একটি কোণে
 রৈল এসে ।
 রাতে দেখি প্রবল হ'য়ে
 পশে আমার দেবালয়ে,
 মলিন হাতে পূজার বলি
 হরণ করে ॥

৮২

তা'রা তোমার নামে বাটের মাঝে
 মাশুল লয় যে ধরি' ।
 দেখি শেষে ঘাটে এসে
 নাইক পারের কড়ি ।
 তা'রা তোমার কাজের ভাণে
 নাশ করে গো ধনে প্রাণে,
 সামান্য বা আছে আমার
 লয় তা অপহরি ।

আজকে আমি চিনেছি সেই
 ছদ্মবেশীদলে ।
 তা'রাও আমায় চিনেছে হায়
 শক্তিবিহীন বলে' ।
 গোপন মূর্তি ছেড়েছে তাই,
 লজ্জাসরম আর কিছু নাই,
 দাঁড়িয়েছে আজ মাথা তুলে
 পথ অবরোধ করি' ।

২৯ জ্যৈষ্ঠ, ১৩১৭

৮৩

এই জ্যোৎস্না রাতে জাগে আমার প্রাণ ;
 পাশে তোমার হবে কি আজ স্থান ?
 দেখতে পাব অপূর্ব সেই মুখ,
 রইবে চেয়ে হৃদয় উৎসুক,
 বারে বারে চরণ ঘিরে ঘিরে
 ফিরবে আমার অশ্রুভরা গান ?

সাহস করে' তোমার পদমূলে
 আপ্নারে আজ ধরি নাই যে তুলে,
 পড়ে' আছি মাটিতে মুখ রেখে,
 ফিরিয়ে পাছে দাও এ আমার দান ।
 আপনি যদি আমার হাতে ধরে'
 কাছে এসে উঠতে বল মোরে,
 তবে প্রাণের অসীম দরিদ্রতা
 এই নিমেষেই হবে অবসান' ॥

৮৪

কথা ছিল এক-তরীতে কেবল তুমি আমি
 যাব অকারণে ভেসে কেবল ভেসে ;
 ত্রিভুবনে জান্বে না কেউ আমরা তীর্থগামী
 কোথায় যেতেছি কোন্ দেশে সে কোন্ দেশে ।
 কূলহারা সেই সমুদ্রমাঝখানে
 শোনার গান একলা তোমার কানে,
 চেউয়ের মতন ভাষা-বাঁধন-হারা
 আমার সেই রাগিণী শুন্বে নীরব হেসে ।

আজো সময় হয়নি কি তা'র, কাজ কি আছে বাকি ?
 ওগো ঐ যে সন্ধ্যা নামে সাগরতীরে ।
 মলিন আলোয় পাখা মেলে সিন্ধুপারের পাখী
 আপন কুলায়মাঝে সবাই এল ফিরে ।
 কখন তুমি আসবে ঘাটের পরে
 বাঁধনটুকু কেটে দেবার তরে ?
 অস্তরবির শেষ আলোটির মত
 তরী নিশীথমাঝে যাবে নিরুদ্দেশে ॥

৮৫

আমার একলা ঘরের আড়াল ভেঙে

বিশাল ভাবে

প্রাণের রথে বাহির হ'তে

পারব কবে ?

প্রবল প্রেমে সবার মাঝে

ফিরব ধয়ে সকল কাজে,

হাটের পথে তোমার সাপে

মিলন হবে,

প্রাণের রথে বাহির হ'তে

পারব কবে ?

নিখিল-মাণা-আকাঙ্ক্ষাময়

• •

ছপে স্থখে,

দাঁপ দিয়ে তাঁর তরঙ্গপাত

ধরব বুকে।

মন্দভালোর আঘাত-বেগে

তোমার বুকে উঠব জেগে.

শুন্ব বাণী বিশ্বজনের •

• কলরবে ।

প্রাণের রথে বাহির হ'তে

পারব কবে ?

৮৬

একা আমি ফিরব না আর
এমন করে'—

নিজের মনে কোণে কোণে
মোহের ঘোরে ।

তোমায় একলা বাহুর বাঁধন দিয়ে
ছোট করে' ঘিরতে গিয়ে
আপনাকে যে বাঁধি কেবল,
আপন ডোরে ।

যখন আমি পাব তোমায়
নিখিল মাঝে
সেইখানে হৃদয়ে পাব
হৃদয়-রাজে !

এই চিত্ত আমার বৃত্ত কেবল,
তারি পরে বিশ্বকমল ;
তারি পরে পূর্ণ প্রকাশ
দেখাও মোরে ॥

৮৭

আমারে যদি জংগলে আজি নাথ;
ফিরো না তবে ফিরো না, কর
করুণ অঁখিপাত ।

নিবিড় বন-শাখার পরে
আঘাত মেঘে বৃষ্টি ঝরে,
বাদলভরা আলস ভরে

ঘুমায়ে আছে রাত ।

ফিরো না তুমি ফিরো না, কর
করুণ অঁখিপাত ।

বিরামহীন বিজুলিঘাতে
নিদ্রাহারা প্রাণ
বরষা জলধারার সাথে
গাহিতে চাহে গান ।

হৃদয় মোর চোখের জলে
বাহির হ'ল তিমিরতলে,
আকাশ খোঁজে ব্যাকুলবলে
বাড়িয়ে দুই হাত ।

ফিরো না তুমি ফিরো না, কর
করুণ অঁখিপাত ॥

৮৮

ছিন্ন করে' লও হে মোরে
 আর বিলম্ব নয় ।
 ধূলায় পাছে ঝরে' পড়ি
 এই জাগে মোর ভয় ।
 এ ফুল তোমার মালার মাঝে
 ঠাই পাবে কি, জানি না যে,
 তবু তোমার আঘাতটি ত্রা'র
 ভাগ্যে যেন রয় ।
 ছিন্ন কর ছিন্ন কর
 আর বিলম্ব নয় ।

কখন যে দিন ফুরিয়ে যাবে,
 আস্তে আস্তে অঁধার করে',
 কখন তোমার পূজার বেলা
 কাটবে অগোচরে ।
 যেটুকু এর রং ধরেছে,
 গন্ধে সুধার বুক ভরেছে,
 তোমার সেবার লও সেটুকু
 থাকতে সুসমর ।
 ছিন্ন কর ছিন্ন কর
 আর বিলম্ব নয় ॥

৮৯

চাই গো আমি তোমারে চাই
 তোমার আমি চাই—
 এই কথাটি সদাই মনে
 বলতে যেন পাই ।
 আর যা-কিছু বাসনাতে
 ঘুরে বেড়াই দিনে রাতে
 মিথ্যা সে-সব মিথ্যা, ওগো
 তোমার আমি চাই ।

রাত্রি যেমন লুকিয়ে রাখে
 আলোর প্রার্থনাই—
 তেমনি গভীর মোহের মানে
 তোমায় আমি চাই ।
 শান্তিরে বড় যখন হানে
 শান্তি তবু চায় সে প্রাণে,
 তেমনি তোমায় আঘাত করি
 তবু তোমায় চাই ॥

আমার এ প্রেম নয় ত ভীকু,
 নয় ত হীনবল,
 শুধু কি এ ব্যাকুল হ'য়ে
 ফেলবে অশ্রুজল ?
 মন্দমধুর সুখে শোভায়
 প্রেমকে কেন ঘুমে ডোবায় ?
 তোমার সাথে জাগতে সে চায়
 আনন্দে পাগল ।

নাচো বখন ভীষণ সাজে
 তাঁর তালের আঘাত বাজে,
 পালায় ত্রাসে পালায় লাজে
 সন্দেহবিহ্বল ।
 সেই প্রচণ্ড মনোহরে
 প্রেম যেন মোর বরণ করে,
 'সুন্দর আশ্যুর স্বর্গ তাহার
 দিক্ সে রসাতল ॥

৯১

আরো আঘাত সহবে আমার

সহবে আগারো ।

আরো কঠিন সুরে জীবনতারে বাঙ্কারো ।

যে রাগ জাগাও আমার প্রাণে

ঝাজে নি তা চরমতানে,

নিষ্ঠুর মূচ্ছনায় সে গানে

মূর্ত্তি সঞ্চারো ।

লাগে না গো কেবল যেন

কোমল করুণা,

মৃদু সুরের খেলায় এ প্রাণ

ব্যর্থ কোরো না ।

জলে' উঠুক সকল হতাশ,

গর্জিত' উঠুক সকল বাতাস,

জাগিয়ে দিয়ে সকল আকাশ

পূর্ণতা বিস্তারো ॥

৯২

এই করেছ ভালো, নিষ্ঠুর,
 এই করেছ ভালো !
 এমনি করে' হৃদয়ে মোর
 তীব্র দহন জ্বালো ।

আমার এ ধূপ না পোড়ালে
 গন্ধ কিছুই নাহি ঢালে
 আমার এ দীপ না জ্বালালে
 দেয় না কিছু জ্বালো ।

যখন থাকে অচেতনে
 এ চিন্তা আমার
 আঘাত সে যে পরশ তব
 সেই ত পুরস্কার ।

অন্ধকারে মোহে লাজে
 চোখে তোমায় দেখি না যে,
 বজ্রে তোলো আগুন করে'
 আমার যত কালো ॥

৯৩

দেবতা জেনে দূরে রই দাঁড়ায়ে,
 আপন জেনে আদর করিনে।
 পিতা বলে' প্রণাম করি পায়ে,
 বন্ধু বলে' দু-হাত ধরিনে

আপ্নি তুমি অতি সহজ প্রেমে
 আমার হ'য়ে এলে যেথার নেমে
 সেথায় সুখে বুকের মধ্যে ধরি,
 সঙ্গী বলে' তোমার ধরিনে

ভাই তুমি যে ভাইয়ের মাঝে প্রভু,
 তাদের পানে তাকাই না যে তবু,
 ভাইয়ের সাথে ভাগ করে' মোর ধন
 তোমার মুঠা কেন ভরিনে।

ছুটে এসে সবার সুখে দুখে,
 দাঁড়াইনে ত তোমারি সম্মুখে,
 সঁপিয়ে প্রাণ ক্লান্তিবিহান কাজে
 প্রাণসাগরে বাঁপিয়ে পড়িনে !

৯৪

তুমি যে কাজ করচ, আমায়

সেই কাজে কি লাগাবে না ?

কাজের দিনে আমায় তুমি

আপন হাতে জাগাবে না ?

ভালোমন্দ ওঠাপড়ায়,

বিশ্বশালার ভাঙাপড়ায়

তোমার পাশে দাঁড়িয়ে যেন

তোমার সাথে হয় গো চেনা

ভেবেছিলেম বিজন ছায়ায়

নাই যেখানে আনাগোনা

সন্ধ্যাবেলায় তোমায় আমায়

সেথায় হবে জানাশোনা ।

অন্ধকারে একা একা

সে দেখা যে স্বপ্ন দেখা,

ডাকো তোমার হাটের মানে

চল্চে যেথায় বেচাকেনা ॥

৯৫

বিশ্বসাথে যোগে যেথায় বিহারে
সেইখানে যোগ তোমার সাথে আমারো ।
নয়ক বনে, নয় বিজনে,
নয়ক তাঁমার আপন মনে,
সবার যেথায় আপন তুমি, হে প্রিয়,
সেথায় আপন আমারো ।

সবার পানে যেথায় বাহু পসারো,
সেইখানেতেই প্রেম জাগিবে আমারো ;
গোপনে প্রেম রর না ঘরে,
আলোর মত ছড়িয়ে পড়ে,
সবার তুমি আনন্দধন, হে প্রিয়,
আনন্দ সেই আমারো ॥

৯৬

ডাক ডাক ডাক আমারে,
তোমার স্নিগ্ধ শীতল গভীর
পবিত্র আঁধারে ।

ভুচ্ছ দিনের ক্লান্তি গ্লানি,
দিতেছে জীবন ধূলাতে টানি,
সূর্যকর্ণের বাক্যমনের
সহস্র বিকারে ।

মুক্ত কর হে মুক্ত কর আমারে,
তোমার নিবিড় নীরব উদার
অনন্ত আঁধারে ।

নীরব রাত্রে হারাইয়া যাক্
বাহির আগার বাহিরে মিশাক্,
দেখা দিক্ মম অন্তরতম
অখণ্ড আকারে ॥

৯৭

যেথায় তোমার লুট হতেছে ভুবনে
সেইখানে মোর চিন্ত যাবে কেমনে !

সোনার ঘাটে সূর্য্য তারা

‘নিজে তুলে আলোর ধারা, ’

অনন্ত প্রাণ ছড়িয়ে পড়ে গগনে ।

সেইখানে মোর চিন্ত যাবে কেমনে !

যেথায় তুমি বস' দানের আসনে,

চিন্ত আমার সেথায় যাবে কেমনে !

নিত্য নূতন রসে ঢেলে

‘আপ্নাকে যে দিচ্চ মেলে, ’

সেথা কি ডাক পড়বে না গো জীবনে !

সেইখানে মোর চিন্ত যাবে কেমনে !

৯৮

ফুলের মতন আপনি ফুটাও গান,
 হে আমার নাথ, এই তু তোমার দান
 ওগো সে ফুল দেখিয়া আনন্দে আমি ভাসি,
 আমার বুলিয়া উপহার দিতে আসি,
 তুমি নিজ হাতে তা'রে তুলে লও স্নেহে হাসি,
 দয়া করে' প্রভু রাখ মোর অভিমান ।

তা'র পরে যদি পূজার বেলার শেষে
 এ গান ঝরিয়া ধরার ধূলায় মেশে,
 তবে ক্ষতি কিছু নাই,—তব করতলপুটে
 অজস্রধন কত লুটে কত টুটে,
 তা'রা আমার জীবনে ক্ষণকাল তরে ফুটে,
 চিরকাল তরে সার্থক করে প্রাণ ॥

৯৯

মুখ ফিরায়ে র'ব ভোমার পানে
এই ইচ্ছাটি সফল কর প্রাণে ।

কেবল থাকা, কেবল চেয়ে থাকা,
কেবল আমার মনটি তুলে রাখা,
সকল ব্যথা সকল আকাঙ্ক্ষায়
সকল দিনের কাজেরি মাঝখানে ।

নানা ইচ্ছা ধায় নানাদিক্ পানে,
একটি ইচ্ছা সফল কর প্রাণে ;
সেই ইচ্ছাটি রাতের পরে রাতে
জাগে যেন একের বেদনাতে,
দিনের পরে দিনকে যেন গাঁথে
একের সূত্রে এক আনন্দগানে ॥

১০০

আবার এসেছে আষাঢ় আকাশ ছেয়ে
 আসে হৃষ্টির স্রবাস বাতাস বেয়ে
 এই পুরাতন হৃদয় আমার আজি
 পলকে ঢলিয়া উঠিছে আবার বাজি,
 নূতন মেঘের ঘনিম্বর পানে চেয়ে ।
 আবার এসেছে আষাঢ় আকাশ ছেয়ে ।

রহিয়া রহিয়া বিপুল মাঠের পরে
 নব তৃণদলে বাদলের ছায়া পড়ে ।
 “এসেছে এসেছে” এই কথা বলে প্রাণ,
 “এসেছে এসেছে” উঠিতেছে এই গান,
 নয়নে এসেছে, হৃদয়ে এসেছে ধেয়ে ।
 আবার আষাঢ় এসেছে আকাশ ছেয়ে ॥

১০১

আজ বরষার রূপ হেরি মানবের মাঝে ;
 চলেছে গরজি, চলেছে নিবিড় সাজে ।
 হৃদয়ে তাহার নাচিয়া উঠেছে ভীমা,
 ধাইতে ধাইতে লোপ করে' চলে সীমা,
 কোন্ তাড়নায় মেঘের সহিত মেঘে
 বন্ধে বন্ধে মিলিয়া বজ্র বাজে !
 বরষার রূপ হেরি মানবের মাঝে ।

পুঞ্জ পুঞ্জ দূরে সুদূরের পানে
 দলে দলে চলে, কেন চলে নাহি জানে ।

জানে না কিছুই কোন্ মহাদ্রিতলে
 গভীর শ্রাবণে গলিয়া পাড়বে জলে,
 নাহি জানে তা'র ঘন ঘোর সমারোহে,
 কোন্ সে ভীষণ জীবন-মরণ রাজে ।
 বরষার রূপ হেরি মানবের মাঝে ।

ঈশান কোণেতে ঐ যে ঝড়ের বাণী
 গুরু গুরু রবে কি করিছে কানাকানি
 দিগন্তরালে কোন্ ভবিতব্যতা
 স্তব্ধ তিমিরে বহে ভাষাহীন ব্যথা,
 কালো কল্পনা নিবিড় ছায়ার তলে
 ঘনায় উঠেছে কোন্ আসন্ন কাজে !
 বরষার রূপ হেরি মানবের মাঝে ॥

১০২

হে মোর দেবতা, ভরিয়া এ দেহ প্রাণ

কি অমৃত তুমি চাহ করিবারে পান ?

আমার নয়নে তোমার বিশ্বছবি

দেখিয়া লইতে সাধ যায় তব কবি,

আমার মুগ্ধ শ্রবণে নীরব রহি,

শুনিয়া লইতে চাহ আপনার গান !

হে মোর দেবতা, ভরিয়া এ দেহ প্রাণ,

কি অমৃত তুমি চাহ করিবারে পান !

আমার চিত্তে তোমার সৃষ্টিখানি

রচিয়া তুলিছে বিচিত্র এক বাণী ।

তারি সাথে প্রভু মিলিয়া তোমার প্রীতি

জাগায়ে তুলিছে আমার সকল গীতি,

আপনারে তুমি দেখিছ মধুর রসে

আমার মাঝারে নিজেরে করিয়া দান

হে মোর দেবতা, ভরিয়া এ দেহ প্রাণ

কি অমৃত তুমি চাহ করিবারে পান !

১০৩

এই মোর সাধ যেন এ জীবন মাঝে
তব আনন্দ মহাসঙ্গীতে বাজে ।

তোমার আকাশ, উদার আলোকধারা
দ্বার ছোটদেখে' ফেরে না যেন গো ত্রা'রা,
ছয় ঋতু যেন সহজ নৃত্যে আসে
অস্তুর মোর নিত্য নূতন সাজে ।

তব আনন্দ আমার অঙ্গে মনে
বাধা যেন নাহি পায় কোনো আবরণে ।
তব আনন্দ পরম দুঃখে মম •
জ্বলে' উঠে যেন পুণ্য আলোকসম, •
তব আনন্দ দীনতা চূর্ণ করি •
ফুটে ওঠে ফেটে আমার সকল কাজে ॥ X

১০৪

একলা আমি বাহির হলেম
 তোমার অভিসারে,
 সাথে সাথে কে চলে মোর
 নীরব অন্ধকারে ?
 ছাড়াতে চাই অনেক করে'
 ঘুরে চলি, যাই যে সরে',
 মনে করি আপদ গেছে,—
 আবার দেখি তা'রে । .

ধরণী সে কাঁপিয়ে চলে,
 বিষম চঞ্চলতা ।
 সকল কথার মধ্যে সে চায়
 কহিতে আপন কথা ।
 সে যে আমার আমি, প্রভু,
 লজ্জা তাহার নাই যে কভু,
 তা'রে নিয়ে কোন্ লাজে বা
 যাব তোমার দ্বারে !

১০৫

আমি চেয়ে আছি তোমাদের সবাপানে ।

স্থান দাও মোরে সকলের মাঝখানে ।

নীচে সব নীচে এ ধূলির ধরণীতে

যেথা আসনের মূল্য না হয় দিতে,

যেথা রেখা দিয়ে ভাগ করা নেই কিছু,

° যেথা ভেদ নাই মানে আর অপমানে,

স্থান দাও সেথা সকলের মাঝখানে ।

যেথা বাহিরের আবরণ নাহি রয়,

যেথা আপনার উলঙ্গ পরিচয় ।

আমার বলিয়া কিছু নাই একেবারে,

এ সত্য যেথা নাহি ঢাকে আপনারে,

সেথায় দাঁড়িয়ে নিলাজ দৈর্ঘ্য মন

ভরিয়া লইব তাঁহার পরম'দানে ।

স্থান দাও মোরে সকলের মাঝখানে ॥

১০৬

আর আমার আমি নিজের শিরে
বইব না ।

আর নিজের দ্বারে কাঙাল হ'য়ে
রইব না ।

এই বোঝা তোমার পায়ে ফেলে
বেরিয়ে পড়ব অবহেলে,
কোনো খবর রাখব না গুর
কোনো কথাই কইব না ।
আমায় আমি নিজের শিরে
বইব না ।

বাক্যনামোর যারেই পরশ
করে সে,
আলোটি তা'র নিবিয়ে ফেলে
নিমেষে ।

গুরে সেই অশুচি, দুই হাতে তা'র
বা এনেছে চাইনে সে আর,
তোমার প্রেমে বাজবে না যা
সে আর আমি সইব না ।
আমায় আমি নিজের শিরে
বইব না ॥

১০৭

হে মোর চিত্ত, পুণ্য তীর্থে
জাগরে ধীরে—
এই ভারতের মহা-মানবের
সাগরতীরে ।

হেথায় দাঁড়িয়ে ছু-বাহু বাড়ায়ে
নমি নর-দেবতারে,
উদার ছন্দে পরমানন্দে
বন্দন করি তাঁরে ।

ধ্যান-গম্ভীর এই যে ভূধর,
নদী-জপমালা-ধৃত প্রান্তর,
হেথায় নিত্য হের পবিত্র
ধরিত্রীরে, •

এই ভারতের মহামানবের
সাগর-তীরে ॥

কেহ নাহি জানে কার আস্থানে
কত মানুষের ধারা
ছূর্বীর স্রোতে এল কোথা হ'তে
সমুদ্রে হ'ল হারা । •

হেথায় আর্ষ্য, হেথা অনাৰ্য্য-
হেথায় দ্রাবিড়, চীন— •
শক ছন-দল পাঠান মোগল
এক দেহে হ'ল লীন ॥

পশ্চিমে আজি খুলিয়াছে দ্বার,
 সেথা হ'তে সবে আনে উপহার,
 দিবে আর নিবে, মিলাবে মিলিবে
 যাবে না ফিরে,
 এই ভারতের মহামানবের
 সাগরতীরে ॥

রণধারা বাহি, জয়গান গাহি
 উন্মাদ কলরবে
 ভেদি মরুপথ গিরি-পর্বত
 যারা এসেছিল সবে,
 তা'রা মোর মাঝে সবাই বিরাজে
 কেহ নহে নহে দূর,
 আনার শোণিতে রয়েছে ধ্বনিতে
 তা'র বিচিত্র সুর ।

হে রুদ্রবীণা, বাজো, বাজো, বাজো,
 যুগা করি দূরে আছে যারা আজো,
 বন্ধ নাশিবে, তা'রাও আসিবে

• দাঁড়াবে ঘিরে,—

এই ভারতের মহামানবের
 সাগরতীরে ॥

হেথা একদিন বিরামবিহীন
 মহা ওঙ্কারধ্বনি,
 হৃদয়তন্ত্রে একের মন্ত্রে
 উঠেছিল রণরণি ।

তপস্যা-বলে একের অনলে
 বছরে আছতি দিয়া
 বিভেদ ভুলিল, জাগায়ে ভুলিল
 একটি বিরাট হিয়া ।

সেই সাধনার সে আরাধনার
 যজ্ঞশালায় খোলা আজি দ্বার,
 হেথায় সবারে হৃৎব মিলিবারে
 আনত শিরে,—
 এই ভারতের মহামানবের
 সাগরতীরে ॥

সেই হোমানলে হের আজি জ্বলে
 দুখের রক্ত শিখা,
 হবে না সহিতে মর্শ্মে দহিতে
 আছে সে ভাগ্যে লিখা ।
 এ দুখ বহন কর মোর মন,
 শোনরে একের ডাক ।
 যত লাজ ভয় কর কর জয়
 ' অপমান দূরে থাক ।

দুঃসহ ব্যথা হ'য়ে অবসান
 জন্ম লভিবে কি বিশাল প্রাণ !
 পোহায় রজনী, জাগিছে জননী
 বিপুল নীড়ে,
 এই ভারতের মহামানবের
 সাগরতীরে ॥

এস হে আৰ্য্য, এস অনার্য্য,
 হিন্দু মুসলমান ।
 এস এস আজ তুমি ইংরাজ,
 এস এস খৃষ্টান ।
 এস ব্রাহ্মণ, শুঁচি করি মন
 ধর হাত সবাকার,
 এস হে পতিত, হোক অপনীত
 সব অপমানভার ।

মা'র অভিষেকে এস এস ত্বরা
 মঙ্গলঘট হয়নি যে ভরা,
 সবার পরশে পবিত্র-করা
 তীর্থনীরে ।

আজি ভারতের মহামানবের
 সাগরতীরে ॥

১০৮

যেথায় থাকে সবার অধম দীনের হ'তে দীন
সেইখানে যে চরণ তোমার রাজ্যে
সবার পিছে, সবার নীচে,
সব-হারাদের মাঝে ।

যখন তোমায় প্রণাম করি আমি,
প্রণাম আমার কোন্‌খানে যায় থামি',
তোমার চরণ যেথায় নামে অপমানের তলে
সেথায় আমার প্রণাম নামে না যে
সবার পিছে, সবার নীচে,
সব-হারাদের মাঝে ।

অহঙ্কার ত পায় না নাগাল যেথায় তুমি ফের'
রিক্তভূষণ দীনদরিদ্র সাজে—
সবার পিছে, সবার নীচে,
সব-হারাদের মাঝে ।

সঙ্গী হ'য়ে আছ যেথায় সঙ্গীহানের ঘরে
সেঁথায় আমার হৃদয় নামে না যে
সবার পিছে, সবার নীচে;
সব-হারাদের মাঝে ॥

১০৯

হে মোর দুর্ভাগা দেশ, যাদের করেছ অপমান,
অপমানে হ'তে হবে তাহাদের সবার সমান ।

মানুষের অধিকারে
বঞ্চিত করেছ বারে,

সম্মুখে দাঁড়ায়ে রেখে তবু কোলে দাও নাই স্থান.
অপমানে হ'তে হবে তাহাদের সবার সমান ॥

মানুষের পরশেরে প্রতিদিন ঠেকাইয়া দূরে
ঘৃণা করিয়াছ তুমি মানুষের প্রাণের ঠাকুরে ।

লিখাতার রুদ্ররোষে

ছুভিক্ষের দ্বারে বসে'

ভাগ করে' খেতে হবে সকলের সাথে অন্নপান ।
অপমানে হ'তে হবে তাহাদের সবার সমান ॥

তোমার আসন হ'তে যেথায় তাদের দিলে ঠেলে
সেথায় শক্তিরে তব নির্বাসন দিলে অবহেলে ।

চরণে দলিত হ'য়ে

ধূলায় সে যার ব'য়ে

সেই নিম্নে নেমে এস নহিলে নাহিরে পরিত্রাণ ।
অপমানে হ'তে হবে আজি তোরে সবার সমান ॥

দ্বারে তুমি নীচে ফেল সে তোমারে বাঁধিবে যে নীচে
 পশ্চাতে রেখেছ যারে সে তোমারে পশ্চাতে টানিছে
 অজ্ঞানের অন্ধকারে
 আড়ালে ঢাকিছ যারে
 তোমার মঙ্গল ঢাকি' গড়িছে সে ঘোর বাবধান ।
 অপমানে হ'তে হবে তাহাদের সবার সমান ॥

শতক শতাব্দী ধরে' নামে শিরে অসম্মানভার,
 মানুষের নারায়ণে তবুও কর না নমস্কার !
 তবু নত করি আঁখি
 দেখিবারে পাও না কি
 নেমেছে ধূলার তলে হীন পতিতের ভগবান,
 অপমানে হ'তে হবে সেথা তোরে সবার সমান ॥

দেখিতে পাও না তুমি মৃত্যুদূত দাঁড়ায়েছে দ্বারে,
 অভিশাপ আঁকি দিল তোমার জাতির অহঙ্কারে !
 সবারে না যদি ডাক,
 এখনো সরিয়া থাক,
 আপনার বেঁধে রাখ চৌদিকে জড়িয়ে অভিমান—
 মৃত্যুনাশে হবে তবে চিত্তভঙ্গ্যে সবার সমান ॥

১১০

ছাড়িসনে, ধরে' থাক্ এঁটে,
ওরে হবে তো'র জয় !

অন্ধকার যায় বুঝি কেটে,
ওরে আর নেই ভয় ।

ওই দেখ্ পূর্ববাশার ভালে
নিবিড় বনের অস্তুরালে
শুকতারা হয়েছে উদয় ।
ওরে, আর নেই ভয় !

এরা যে কেবল নিশাচর—
অবিশ্বাস আপনার পর,
নিরাশ্বাস, আলস্য সংশয়,
এরা প্রভাতের নয় ।

ছুটে আয়, আয়রে বাহিরে
চেয়ে দেখ্, দেখ্ উর্দ্ধশিরে,
আকাশ হতেছে জ্যোতির্ময়
ওরে আর নেই ভয় ॥

১১১

আছে আমার হৃদয় আছে ভরে'
 এখন তুমি যা-খুসি তাই কর ।
 এমনি যদি বিরাজ অন্তরে
 বাহির হ'তে সকলি মোর হর ।

সব পিপাসার বেথায় অবসান
 সেথায় যদি পূর্ণ কর প্রাণ,
 তাহার পরে মরুপথের মাঝে
 উঠে রোদ্র উঠুক খরতর ।

এই যে খেলা খেল্চ কত ছলে
 এই খেলা ত আমি ভালবাসি ।
 একদিকেতে ভাসাও আঁখিজলে
 আরেক দিকে জাগিয়ে তোলা হাসি ।

যখন ভাবি সব খোয়ালেম বুঝি,
 গভীর করে' পাই তাহারে খুঁজি,
 কোলের থেকে যখন ফেলা দূরে
 বুকের মাঝে আবার তুলে ধর !!

১১২

গর্ব করি' নিইনে ও নাম. জান অস্তুর্যামী,
 আমার মুখে তোমার নাম কি সাজে ?
 যখন সবাই উপহাসে তখন ভাবি আমি
 আমার কণ্ঠে তোমার গান কি বাজে ?
 তোমা হ'তে অনেক দূরে থাকি
 সে যেন মোর জানতে না রয় বাকি,
 নামগানের এই ছদ্মবেশে দিই পরিচয় পাছে
 মনে মনে মরি যে সেই লাজে ।

অহঙ্কারের মিথ্যা হ'তে বাঁচাও দয়া কর'
 রাখ আমায় যেথা আমার স্থান !
 আর সকলের দৃষ্টি হ'তে সরিয়ে দিয়ে মোরে
 কর তোমার নত নয়ন দান ।

আমার পূজা দয়া পাবার তরে,
 মান যেন সে না পায় কারো ঘরে,
 নিত্য তোমায় ডাকি আমি ধূলার পরে বসে'
 নিত্যনূতন অপরাধের মাঝে ॥

১১৩

কে বলে সব ফেলে যাবি
 মরণ হাতে ধরবে যবে—
 জীবনে তুই যা নিয়েছিস্
 মরণে সব নিতে হবে ।
 এই ভরা ভাঙারে এসে
 শূন্য কি তুই যাবি শেষে ?
 নেবার মত যা আছে তোর
 ভালো করে, নে তুই তবে !

আবর্জনার অনেক বোঝা
 জন্মিয়েছিস্ যে নিরবধি,—
 বেঁচে যাবি, যাবার বেলা
 ক্ষয় করে' সব যাসুরে যদি ।
 এসেছি এই পৃথিবীতে,
 হেথায় হ'বে সেজে নিতে
 রাজার বেশে চলরে হেসে
 মৃত্যুপারের সে উৎসবে ॥

২৩ আষাঢ়, ১৩১৭

১১৪

নদীপারের এই আষাঢ়ের
 প্রভাতখানি
 নেরে, ও মন, নেরে আপন
 প্রাণে টানি' ।

সবুজ নীলে সোনায় মিলে
 যে সুখা এই ছড়িয়ে দিলে,
 জাগিয়ে দিলে আকাশ তলে
 গভীর বাণী—
 নেরে, ও মন, নেরে আপন
 প্রাণে টানি' ।

এমনি করে' চলতে পথে
 ভবের কূলে
 দুই ধারে যা ফুল ফুটে সব
 নিসূরে ভুলে ।

সেগুলি তোর চেতনাতে
 গেঁথে তুলিস্ দিবস রাতে,
 প্রতিদিনটি যতন করে'
 ভাগ্য মানি'
 নেরে, ও মন, নেরে আপন
 প্রাণে টানি' ॥

১১৫

মরণ যেদিন দিনের শেষে আসবে তোমার দুয়ারে
সেদিন তুমি কি ধন দিবে উহারে ?

ভরা আমার পরাগখানি

সম্মুখে তা'র দিব আনি,

শূন্য বিদায় করব না ত উহারে—

মরণ যেদিন আসবে আমার দুয়ারে ।

কত শবৎ বসন্তরাত,

কত সন্ধ্যা, কত প্রভাত

জীবনপাত্রে কত যে রস বরষে ;

কতই ফলে কতই ফুলে

হৃদয় আমার ভরি তুলে

দুঃখ সুখের আলো ছায়ার পরশে

যা- কিছু মোর সঞ্চিত ধন

এত দিনের সব আয়োজন

চরমদিনে সাজিয়ে দিব উহারে—

মরণ যেদিন আসবে আমার দুয়ারে ।

১১৬

দয়া করে' ইচ্ছা করে' আপ্নি ছোট হ'য়ে

এস তুমি এ ক্ষুদ্র আলায়ে ।

তাই তোমার মাধুর্য্যসুধা

ঘুচায় আমার আঁখির ক্ষুধা,

জলে স্থলে দাও হে ধরা

কত আকার ল'য়ে ।

বন্ধু হ'য়ে পিতা হ'য়ে জননী হ'য়ে

আপ্নি তুমি ছোট হ'য়ে এস হৃদয়ে ।

আমিও কি আপন হাতে

করব ছোট বিশ্বনাথে ?

জানাব আর জানুব তোমায়

ক্ষুদ্র পরিচয়ে ?

১১৭

ওগো আমার এই জীবনের শেষ পরিপূর্ণতা
নরুণ, আমার মরুণ, তুমি কও আমারে কথা
সারাজনম তোমার লাগি
প্রতিদিন যে আছি জাগি,
তোমার তরে বহে' বেড়াই
দুঃখসুখের ব্যথা ;
মরুণ, আমার মরুণ, তুমি
কও আমারে কথা ।

যা পেয়েছি, যা হয়েছি
 যা-কিছু মোর আশা
 না জেনে ধায় তোমার পানে
 সকল ভালবাসা ।

মিলন হবে তোমার সাথে,
 একটি শুভ দৃষ্টিপাতে,
 জীবনবধূ হবে তোমার
 নিত্য অনুগতা ;

মরণ, আমার মরণ, তুমি
 কও আমারে কথা !

বরণমালা গাঁথা আছে

আমার চিত্তমাঝে,
 কবে নীরব হাশ্বমুখে

আসবে বরের সাজে !

সেদিন আমার র'বে না ঘর,
 কেই-বা আপন, কেই-বা অপর
 বিজন রাতে পতির সাথে
 মিলবে পতিব্রতা ।

মরণ, আমার মরণ, তুমি
 কও আমারে কথা ॥

১১৮

যাত্রী আমি ওরে !
পারবে না কেউ রাখতে আমায় ধরে' ।
দুঃখসুখের বাঁধন সবই মিছে,
বাঁধা এঘর রইবে কোথায় পিছে,
বিষয়বোবা। টানে আমায় নাচে,
ছিন্ন হ'রে ছড়িয়ে যাবে পড়ে' ।

যাত্রী আমি ওরে ।
চলতে পথে গান গাহি প্রাণ ভরে' ।
দেহ-দুর্গে খুলবে সকল দ্বার,
ছিন্ন হবে শিকল বাসনার,
ভালোমন্দ কাটিয়ে হব পার
চলতে র'ব লোকে লোকান্তরে ।

যাত্রী আমি ওরে ।

যা-কিছু তার যাবে সকল সরে' ।

আকাশ আমার ডাকে দূরের পানে,

ভাবাবিহীন অজ্ঞানিতের গানে,

সকাল সাঁঝে পরাণ মম টানে

কাহার বাঁশি এমন গভীর স্বরে !

যাত্রী আমি ওরে—

বাহির হ'লেম না জানি কোন্ ভোরে ।

তখন কোথাও গায়নি কোনো পাখী,

কি জানি রাত ফতই ছিল বাকি,

নিমেষহারা শুধু একটি আঁখি

জেগে ছিল অন্ধকারের পরে ।

যাত্রী আমি ওরে ।

কোন্ দিনাস্ত্রে পৌঁছব কোন্ ঘরে ।

কোন্ তারকা দীপ জ্বালে সেইখানে,

বাতাস কাঁদে কোন্ কুসুমের স্বানে,

কে গো সেথায় স্নিগ্ধ ছুনয়ানে,

অনাদিকাল চাহে আমার তরে ॥

১১৯

উড়িয়ে ধ্বজা অভভেদী রথে
 ঐ যে তিনি, ঐ যে বাহির পথে ।
 আয়রে ছুটে, টানতে হবে রসি,
 ঘরের কোণে রইলি কোথায় বসি' ?
 ভিড়ের মধ্যে ঝাঁপিয়ে পড়ে' গিয়ে
 ঠাই করে' তুই নেরে কোনোনতে ।

কোথায় কি তোর আছে ঘরের কাজ,
 সে-সব কথা ভুলতে হবে আজ ।
 টানরে দিয়ে সকল চিত্তকারা,
 টানরে ছেড়ে তুচ্ছ প্রাণের খায়া,
 চলরে টেনে আলোয় অন্ধকারে
 নগর গ্রামে অরণ্যে পর্বতে ।

ঐ যে চাকা ঘুরচে বন্বানি,
 বুকের মাঝে শুন্চ কি সেই ধ্বনি ?
 রক্তে তোমার দুন্চে না কি প্রাণ ?
 গাইচে না মন মরণজয়ী গান ?
 আকাঙ্ক্ষা তোর বন্যাবেগের মত
 ছুটচে না কি বিপুল ভবিষ্যতে ?

১২০

'ভজন পূজন সাধন আরাধনা
 সমস্ত থাক্ পড়ে' ।
 রুদ্ধদ্বারে দেবালয়ের কোণে
 কেন আছিস্ ওরে ?
 অন্ধকারে লুকিয়ে আপন মনে
 কাঁহারে তুই পূজিস্ সঙ্গোপনে,
 নয়ন মেলে দেখ্ দেখি তুই চেয়ে
 দেবতা নাই ঘরে ।

তিনি গেছেন যেথায় মাটি ভেঙে •
 করচে চাষা চাষ,—
 পাথর ভেঙে কাট্চে যেথায় পথ,
 খাট্চে বারো মাস ।
 রৌদ্র জলে আছেন সবার সাথে,
 ধূলা তাঁহার লেগেছে দুই হাতে ;
 তাঁরি মতন শুঁচি বসন ছাড়ি’
 আয়রে ধূলার পরে !

মুক্তি ? ওরে মুক্তি কোথায় পাবি,
 মুক্তি কোথায় আছে ?
 আপ্নি প্রভু সৃষ্টিবান্ধন পরে’
 বাঁধা সবার কাছে ।
 রাখোরে ধ্যান থাক্বে ফুলের ডালি,
 ছিঁড়ুক বস্ত্র, লাগুক ধূলাবালি,
 কর্মযোগে তাঁর সাথে এক হ’য়ে
 ঘর্ম পড়ক বারে’ ॥

১২১

সীমার মাঝে, অসীম তুমি

বাজাও আপন সুর !

আমার মধ্যে তোমার প্রকাশ

তাই এত মধুর !

কত বর্ণে, কত গন্ধে,

কত গানে কত ছন্দে.

অরূপ, তোমার রূপের লীলার

জাগে হৃদয়পুর ।

আমার মধ্যে তোমার শোভা

এমন সুমধুর ।

তোমায় আমার মিলন হ'লে

সকলি যায় খুলে,—

বিশ্বনাগর ঢেউ খেলায়ে

উঠে তখন ছলে ।

তোমার আলোয় নাই ত ছায়া,

আমার মাঝে পায় সে কায়া,

হয় সে আমার অশ্রুজলে

সুন্দর বিধুর ।

‘আমার মধ্যে তোমার শোভা

এমন সুমধুর ॥

১২২

তাই তোমার আনন্দ আমার পর

তুমি তাই এসেছ নীচে ।

আমায় নইলে, ত্রিভুবনেশ্বর,

তোমার প্রেম হ'ত যে মিছে ।

আমার নিরে মেলেছ এই মেলা,

আমার হিয়ায় চল্চে রসের খেলা,

মোর জীবনে বিচিত্ররূপ ধরে'

তোমার ইচ্ছা তরঙ্গিছে ।

তাই ত তুমি রাজার রাজা হ'য়ে

তবু আমার হৃদয় লাগি'

কিরচ কত মনোহরণ-বেশে

প্রভু নিত্য আছ জাগি ।

তাই ত, প্রভু, হেথায় এলে নেমে,

তোমারি প্রেম ভক্ত প্রাণের প্রেমে,

মূর্ত্তি তোমার যুগল-সন্মিলনে

সেথায় পূর্ণ প্রকাশিছে ॥

১২৩

মানের আসন, আরাম শয়ন
 নয় ত তোমার তরে
 সব ছেড়ে আজ খুঁসি হ'য়ে
 চল পথের পরে ।
 এস বন্ধু তোমরা সবে
 এক সাথে সব বাহির হবে,
 আজকে যাত্রা করব মোরা
 অমানিতের ঘরে ।

মিন্দা পরব ভূষণ করে'
 কাঁটার কর্ণহারি,
 মাথায় করে' তুলে ল'ব
 অপমানের ভার ।
 দুঃখীর শেষ আলয় বেধা
 সেই ধূলাতে লুটাই মাথা,
 ত্যাগের শূন্যপাত্রটি নিই
 আনন্দরস ভরে' ॥

১২৪

প্রভুগৃহ হ'তে আসিলে যেদিন
বীরের দল
সেদিন কোথায় ছিল যে লুকানো
বিপুল বল ।

কোথায় বন্দ্য, অস্ত্র কোথায়,
ক্ষীণ দরিদ্র অতি অসহায়,
চারিদিক হ'তে এসেছে আঘাত
অনর্গল,

প্রভুগৃহ হ'তে আসিলে যেদিন
বীরের দল ॥

প্রভুগৃহ মাঝে ফিরিলে যেদিন
বীরের দল

সেদিন কোথায় লুকালো আবার
বিপুল বল ।

ধনুশর অসি কোথা গেল খসি,
শান্তির হাসি উঠিল বিকশি;
চলে' গেলে রাখি সারা জীবনের
সকল ফল,

প্রভুগৃহ মাঝে ফিরিলে যেদিন
বীরের দল ॥

১২৫

ভেবেছিলু মনে যা হবার তারি শেষে
 যাত্রা আমার বুঝি থেমে গেছে এসে ।
 নাই বুঝি পথ, নাই বুঝি আর কাজ,
 পাথের যা ছিল ফুরায়েছে বুঝি আজ,
 যেতে হবে সরে' নীরব অন্তরালে
 জীর্ণ জীবনে ছিন্ন মলিন বেশে ।

কি নিরখি আজি, এ কি অফুরান লীলা,
 এ কি নবীনতা বহে অন্তঃশীলা !
 পুরাতন ভাষা মরে' এল যবে মুখে,
 'নবগান হ'য়ে গুমরি উঠিল বুকে,
 পুরাতন পথ শেষ হ'য়ে গেল যেথা
 সেথায় আমারে আনিলে নূতন দেশে ॥

১২৬

আমার এ গান ছেড়েছে তা'র
সকল অলঙ্কার ;
তোমার কাছে রাখেনি আর
সাজের অহঙ্কার ।

অলঙ্কার যে মাঝে পড়ে'
মিলনেতে আড়াল করে,
তোমার কথা ঢাকে যে তা'র
সুখর ঝঙ্কার ।

তোমার কাছে খাটে না মোর
কবির গরব করা,
মহাকবি, তোমার পায়ে
দিতে চাই যে ধরা ।
জীবন ল'য়ে যতন করি ,
যদি সরল বাঁশি গড়ি,
আপন সুরে দিবে ভরি
সকল ছিদ্র তা'র ॥

১২৭

নিন্দা দুঃখে অপমানে

যত আঘাত খাই

তবু জানি কিছুই সেথা

হারাবার ত নাই ।

থাকি যখন ধূলার পরে

ভাবতে না হয় আসনতরে,

দৈন্যমাবে অসঙ্কোচে

প্রসাদ তব ছাই ।

লোকে যখন ভালো বলে,

যখন সুখে থাকি,

জানি মনে তাহার মাবে

অনেক আছে ফাঁকি ।

সেই ফাঁকিরে সাজিয়ে ল'য়ে

ঘুমে বেড়াই মাথায় ব'য়ে,

তোমার কাছে যাব, এমন

সময় নাহি পাই ॥

১২৮

রাজার মত বেশে তুমি সাজাও যে শিশুরে,
 পরাও যারে মণিরতন-হার,—
 খেলাধূলা আনন্দ তা'র সকলি যায় ঘুরে,
 বসন-ভূষণ হয় যে বিষম ভার ।
 ছেঁড়ে পাছে আঘাত লাগি,
 পাছে ধূলায় হয় সে দাগী,
 আপ্নাকে তাই সরিয়ে রাখে সবার হ'তে দূরে,
 চলতে গেলে ভাবনা ধরে তা'র,—
 রাজার মত বেশে তুমি সাজাও যে শিশুরে
 পরাও যারে মণিরতন-হার ।

কি হবে মা অমনতর রাজার মত সাজে,
 কি হবে ঐ মণিরতন-হারে !
 দুয়ার খুলে দাও যদি ত ছুটি পথের মাঝে
 রৌদ্র বায়ু ধূলা কাদার পাড়ে ।
 যেথায় বিশ্বজনের মেলা
 সমস্তদিন নানান খেলা,
 চারিদিকে বিরাট গাথা বাজে হাজার সুরে,
 সেথায় সে যে পায় না অধিকার,—
 রাজার মত বেশে তুমি সাজাও যে শিশুরে
 পরাও যারে মণিরতন-হার ॥

১২৯

জড়িয়ে গেছে সরু মোটা
 ছটা তারে
 জীবন-বীণা ঠিক সুরে তাই
 বাজেনারে ।

এই বেসুরো জটিলতায়
 পরাণ আমার মরে ব্যথায়,
 হঠাৎ আমার গান থেমে যায়
 বারে বারে ।

জীবন-বীণা ঠিক সুরে আর
 বাজেনারে ॥

এই বেদনা বইতে আমি
 পারি না যে,
 তোমার সভার পথে এসে
 মরি লাজে ।

তোমার যারা গুণী আছে
 বসতে নখরি তাদের কাছে,
 দাঁড়িয়ে থাকি সবার পাছে
 বাহির দ্বারে ।

জীবন-বীণা ঠিক সুরে আর
 বাজেনারে ॥

১৩০

গাভার মত হয়নি কোনো গান,
দেবার মত হয়নি কিছু দান ।

মনে যে হয় সবি রইল বাকি
তোমায় শুধু দিয়ে এলেম ফাঁকি,
কবে হবে জীবন পূর্ণ করে'

এই জীবনের পূজা অরমান !

আর সকলের সেবা করি যত

প্রাণপণে দিই অর্ঘ্য ভরি ভরি ।

সত্য মিথ্যা সাজিয়ে দিই যে কত

দীন বলিয়া পাছে ধরা পড়ি ।

তোমার কাছে গোপন কিছু নাই,

তোমার পূজায় সাহস এত তাই,

যা আছে তাই পায়ের কাছে আনি

অনাবৃত দরিদ্র এই প্রাণ ॥

১৩১

আমার মাঝে তোমার লীলা হবে,

ভাই ত আমি এসেছি এই ভবে।

এই ঘরে সব খুলে যাবে দ্বার,

যুচে যাবে 'সকল অহঙ্কার,

আনন্দময় তোমার এ সংসারে

আমার কিছু আর বাকি না র'বে।

মরে' গিয়ে বাঁচব আমি, তবে

আমার মাঝে তোমার লীলা হবে।

সখ বাসনা যাবে আমার থেমে

মিলে গিয়ে তোমারি এক প্রেমে,

দুঃখ সুখের বিচিত্র জীবনে

তুমি ছাড়া আর কিছু না র'বে ॥

১৩২

দুঃস্বপন কোথা হ'তে এসে
 জীবনে বাধায় গগুগোল।
 কেঁদে উঠে জেগে দেখি শেষে
 কিছু নাই আছে মার কোল।
 ভেবেছিলাম আর কেহ বুঝি,
 ভয়ে তাই প্রাণপণে যুঝি,
 তব হাসি দেখে আজ বুঝি
 ' তুমিই দিয়েছ মোরে দোল।

এ জীবন সদা দেয় নাড়া
 ল'য়ে তা'র সুখদুখ ভয় ;
 কিছু যেন নাই গো সে ছাড়া,
 সেই যেন' মোর সমুদয়।
 এ ঘোর কাটিরী যাবে চোখে
 নিমেষেই প্রভাত-আলোকে,
 পরিপূর্ণ তোমার সম্মুখে
 খেমে যাবে সকল কল্লোল ॥

১৩৩

গান দিয়ে যে তোমায় খুঁজি

বাহির মনে

চিরদিবস মোর জীবনে ।

নিয়ে গেছে গান আমারে

ঘরে ঘরে দ্বারে দ্বারে,

গান দিয়ে হাত বুলিয়ে বেড়াই

এই ভুবনে ।

কত শেখা সেই শেখালো,

কত গোপন পথ দেখালো,

চিনিয়ে দিল কত তারা

হৃদগগনে ।

বিচিত্র সুখদুখের দেশে

রহস্যলোক ঘুরিয়ে শেষে

সন্ধ্যাবেলায় নিয়ে এল

কোন্ ভবনে !

১৩৪

তোমায় খোঁজা শেষ হবে না মোর,
যবে আমার জনম হবে ভোর ।

চলে' যাব নবজীবনলোকে,
নূতন দেখা জাগবে আমার চোখে,
নবীন হ'য়ে নূতন সে আলোকে
পরব তব নবমিলন-ডোর ।

তোমায় খোঁজা শেষ হবে না মোর

তোমার অন্ত নাই গো অন্ত নাই,
বারে, বারে নূতন লীলা তাই ।

আবার তুমি জানিনে কোন্ বেষে
পথের মাঝে দাঁড়াবে, নাথ, হেসে,
আমার এ হাত ধরবে কাছে এসে,

লাগবে প্রাণে নূতন ভাবের ঘোর ।
তোমায় খোঁজা শেষ হবে না মোর ॥

১৩৫

যেন শেষ গানে মোর সব রাগিণী পূরে,—
 আমার সব আনন্দ মেলে তাহার সুরে ।

যে আনন্দে মাটির ধরা হাসে

অধীর হ'য়ে তরুণভয় ঘাসে,

যে আনন্দে দুই পাগলের মত

জীবন-মরণ বেড়ায় ভুবন ঘুরে—

সেই আনন্দ মেলে তাহার সুরে ।

যে আনন্দ আসে ঝড়ের বেশে,

যুমন্ত প্রাণ জাগায় অটু হেসে ।

যে আনন্দ দাঁড়ায় আঁখি-জলে

• দুঃখব্যথার রক্ত শতদলে,

• যা আছে সব ধূলায় ফেলে দিয়ে

যে আনন্দে বচন নাহি ফুরে—

সেই আনন্দ মেলে তাহার সুরে ॥

১৩৬

যখন আমার বাঁধ আগে পিছে,

মনে করি আর পাব না ছাড়া

যখন আমার ফেল তুমি নীচে

মনে করি আর হব না খাড়া ।

আবার তুমি দাও যে বাঁধন খুলে,

আবার তুমি নাও আমারে তুলে,

চিরজীবন বাহুদোলায় তব

এমনি করে' কেবলি দাও নাড়া ।

ভয় ল্যাগায়ে তন্দ্রা কর ক্ষয়,

ঘুম ভাঙায়ে তখন ভাঁঙো ভয় ।

দেখা দিয়ে ডাক দিয়ে যাও আগে,

তাহার পরে লুকাও যে কোন্ খানে,

মনে করি এই হারালেম বুঝি,

কোথা হ'তে আবার যে দাও সাড়া

১৩৭

যতকাল তুই শিশুর মত
 রইবি বলহীন,
 অন্তরেরি অন্তঃপুরে
 থাকরে ততদিন ।

অন্ন বায়ে পড়বি যুরে,
 অন্ন দাহে মববি পুড়ে,
 অন্ন গায়ে লাগলে ধূলা
 করবে যে মলিন—
 অন্তরেরি অন্তঃপুরে
 থাকরে ততদিন ॥

যখন তোমার শক্তি হবে
 উঠবে ভরে' প্রাণ
 আগুন-ভরা সূধা তাঁহার
 করবি যখন পান,—

বাইরে তখন বাসরে চুটে,
 থাকবি শুচি ধূলায় লুটে,
 সকল বাঁধন অঙ্গে নিয়ে
 বেড়াবি স্বাধীন,—
 অন্তরেরি অন্তঃপুরে
 থাকরে ততদিন ।

১৩৮

আমার চিন্ত তোমায় নিত্য হবে
সত্য হবে—

ওগো সত্য, আমার এমন স্তূদিন
ঘটবে কবে ?

সত্য সত্য সত্য জপি,
সকল বুদ্ধি সত্যে সঁপি.
সীমার বাঁধন পেরিয়ে যাব
নিখিল ভবে,
সত্য, তোমার পূর্ণ প্রকাশ
দেখব কবে !

তোমায় দূরে সরিয়ে, মরি
আপন অসত্যে ।
কি যে কাণ্ড করি গো সেই
ভূতের রাজত্বে !

আম্মর আমি ধুয়ে মুছে
তোমার মধো যাবে ঘুচে,
সত্য, তোমায় সত্য হব
বাঁচব তবে,—

তোমার মধে মরণ আমার মরবে কবে ॥

১৩৯

তোমায় আমার প্রভু করে' রাখি
আমার আমি সেইটুকু থাক্ বাকি ।

তোমায় আমি হেরি সকল দিশি,
সকল দিয়ে তোমার মাঝে মিশি,
তোমাতে প্রেম জোগাই দিবানিশি,

ইচ্ছা আমার সেইটুকু থাক্ বাকি ।

তোমায় আমার প্রভু করে' রাখি ।

তোমায় আমি কোথাও নাহি ঢাকি
কেবল আমার সেইটুকু থাক্ বাকি ।

তোমার লীলা হবে এ প্রাণ ভরে'
এ সংসারে রেখেছ তাই ধরে',
রইব বাঁধা তোমার বাহুডোরে

বাঁধন আমার সেইটুকু থাক্ বাকি ।—

তোমায় আমার প্রভু করে' রাখি !!

১৪০

যা দিয়েছ আমার এ প্রাণ ভরি
খেদ র'বে না এখন যদি মরি ।

রজনীদিন কত দুঃখে সুখে
কত যে সুর বেজেছে এই বুকে,
কত বেশে আমার ঘরে ঢুকে
কৃতরূপে নিয়েছ মন হরি,
খেদ র'বে না এখন যদি মরি ॥

জানি তোমায় নিইনি প্রাণে বরি,
পাইনি আমার সকল পূর্ণ করি ।

“ যা পেয়েছি, ভাগ্য বলে' মানি,
দিয়েছ ত তব পরশখানি,
আছ তুমি এই জ্ঞানা ত জানি—
যাব ধরি সেই ভরসার তরী ।
খেদ র'বে না এখন যদি মরি ॥

১৪১

ওরে মাঝি ওরে আমার
 মানবজন্মতরীর মাঝি,
 শুন্তে কি পাস্‌ দূরের থেকে
 পারের বাঁশি উঠছে বাজি' ।
 তরী কি তোর দিনের শেষে
 ঠেকবে এবার ঘাটে এসে ?
 সেথায় সন্ধ্যা-অন্ধকারে
 দেয় কি দেখা প্রদীপরাজি ?

যেন আমার লাগ্‌চে মনে,
 মন্দ মধুর এই পবনে
 সিন্ধুপারের হাসিটি কার
 আঁধার বেয়ে আস্‌ছে আজি ।

আসার বেলায় কুসুমগুলি
 কিছু এনেছিলেম তুলি,
 যেগুলি তা'র নবীন আছে

এই বেলা নে সার্জিয়ে সার্জি

১৪২

মনকে, আমার কায়াকে,
আমি একেবারে মিলিয়ে দিতে,
চাই, এ কালো ছায়াকে ।

ঐ আগুনে জ্বলিয়ে দিতে
ঐ সাগরে তলিয়ে দিতে,
ঐ চরণে গলিয়ে দিতে,
দলিয়ে দিতে মায়াকে,—
মনকে, আমার কায়াকে ।

যেখানে যাই সেথায় এ'কে,
আসন জুড়ে বসতে দেখে'
লাজে মরি, লওগো হরি'
এই স্ত্রনিবিড় ছায়াকে ।

মনকে, আমার কায়াকে ।

তুমি আমার অনুভাবে
কোথাও নাহি বাধা পাবে,
পূর্ণ একা দেবে দেখা,
সরিয়ে দিয়ে মায়াকে
মনকে, আমার কায়াকে ॥

১৪৩

আমার নামটা দিয়ে ঢেকে রাখি যারে
 মরচে সে এই নামের কারাগারে।
 সকল ভুলে যতই দিবারাতি
 নামটারে ঐ আকাশ পানে গাঁথি,
 ততই আমার নামের অঙ্ককারে
 হারাই আমার সত্য আপনারে ॥

জড় করে' ধুলির পরে ধূলি
 নামটারে মোর উচ্চ করে' তুলি।

ছিদ্র পাছে হয়রে কোনোখানে

চিত্ত মম বিরাম নাহি মানে,
 যতন করি যতই এ মিথ্যারে
 ততই আমি হারাই আপনারে

১৪৪

নামটা যেদিন ঘুচাবে, নাথ,
বাঁচব সেদিন মুক্ত হ'য়ে—
আপন-গড়া স্বপন হ'তে

তোমার মধ্যে জনম ল'য়ে ।

ঢেকে তোমার হাতের লেখা
কাটি নিজের নামের রেখা,
কত দিন আর কাটবে জীবন
এমন ভীষণ আপদ ব'য়ে ।

সবার সজ্জা হরণ করে'

আপ্নাকে সে সাজাতে চায় ।

সকল সুরকে ছাপিয়ে দিয়ে

আপ্নাকে সে বাজাতে চায় ।

আমার এ নাম থাক না চুকে,

তোমারি নাম নেব' মুখে,

সবার সঙ্গে মিল'ব সেদিন

বিনা-নামের পরিচয়ে ॥

১৪৫

জড়িয়ে আছে বাধা, ছাড়িয়ে বেতে চাই,

ছাড়াতে গেলে ব্যথা বাজে ।

মুক্তি চাহিবারে তোমার কাছে যাই

চাহিতে গেলে মরি লাজে ।

জানিহে তুমি মম জীবনে শ্রেয়তম,

এমন ধন আর নাহি যে তোমাসম,

তবু যা ভাঙাচোরা ঘরেতে আছে পোরা

ফেলিয়া দিতে পারি না যে ।

তোমারে আবরিয়া ধূলাতে ঢাকে হিয়া

মরণ আনে রাশি রাশি,

আমি যে প্রাণ ভরি' তাদের যুগা করি

তবুও তাই ভালবাসি ।

এতই আছে বাকি, জমেছে এত কাঁকি,

কত যে বিফলতা, কত যে ঢাকাঢাকি,

আমার ভালো তাই চাহিতে যবে যাই

ভয় যে আসে মনোমারো ॥

১৪৬

তোমার' দয়া যদি

'চাহিতে না'ও জানি

তবু'ও দয়া করে'

'চরণে নিয়ে' টানি ।

আমি বা গড়ে' ভুলে'

আরামে থাকি ভুলে'

সুখের উপাসনা

করিগো ফলে ফুলে-

সে ধূলা-খেলাঘরে

রেখো না স্থগা ভরে,

জাগায়ো দয়া করে'

বহি-শেল হানি' ॥

সত্য মুদে আছে

দ্বিধার মাঝখানে ;

তাহারে তুমি ছাড়া

ফুটাত কেবা জানে !

মৃত্যু ভেদ করি,

অমৃত পড়ে বারি,

অতল দীনতার

শূন্য উঠে ভরি' ।

পতন ব্যথা নাবো

চেতনা আসি' বাজে,

বিরোধ কোলাহলে

গভীর তব বাণী ॥

১৪৭

জীবনে যত পূজা
 হ'ল না সারা,
 জানিহে জানি তাও
 হয়নি সারা ।
 সে ফুল না ফুটিতে,
 ঝরেছে ধরণীতে,
 যে নদী মরুপথে
 হারালো ধারা,
 জানিহে জানি তাও
 হয়নি হারা ১

জীবনে আজো যাহা
 রয়েছে পিছে,
 জানিহে জানি তাও
 হয়নি মিছে ।
 আমার অনাগত
 আমার অনাহত
 তোমার বীণা-তারে
 বাজিছে তা'রা,
 জানিহে জানি তাও
 হয়নি হারা ॥

একটি নমস্কারে, প্রভু,
 একটি নমস্কারে
 সকল দেহ লুটিয়ে পড়ুক
 তোমার এ সংসারে ।
 ঘন শ্রাবণ মেঘের মত
 রসের ভারে নত্ন নত

একটি নমস্কারে, প্রভু,
 একটি নমস্কারে
 সমস্ত মন পড়িয়া থাকুক
 তব ভবন-দ্বারে ।

নানা সুরের আকুল ধারা
 মিলিয়ে দিয়ে আত্মহারা

একটি নমস্কারে, প্রভু,
 একটি নমস্কারে
 সমস্ত গান সমাপ্ত হোক
 নীরব পারাবারে ।

হংস যেমন মানসযাত্রী,
 তেম্নি সারা দিবসরাত্রি

একটি নমস্কারে, প্রভু,
 একটি নমস্কারে
 সমস্ত প্রাণ উড়ে চলুক

১৪৯

জীবনে যা চিরদিন

র'য়ে গেছে আভাসে

প্রভাতের আলোকে যা

ফোটে নাই প্রকাশে,

• জীবনের শেষ দানে

জীবনের শেষ গানে,

হে দেবতা, তাই আজি

দিব তব সকাশে,

প্রভাতের আলোকে যা

ফোটে নাই প্রকাশে

কথা তা'রে শেষ করে'

পারে নাই বাঁধিতে,

গান তা'রে সুর দিয়ে

পারে নাই সাধিতে ।

কি নিভূতে চুপে চুপে

মোহন নবীনরূপে

নিখিল নয়ন হ'তে

• ঢাকা ছিল, সখা, সে

প্রভাতের আলোকে ত

ফোটে নাই প্রকাশে ।

ভ্রমেছি তাহারে ল'য়ে
 দেশে দেশে ফিরিয়া
 জীবনে যা ভাঙা গড়া
 সবি তা'রে ঘিরিয়া ।
 সব ভাবে সব কাজে
 আমার সবার মাঝে
 শয়নে স্বপনে থেকে
 তবু ছিল একা সে
 প্রভাতের আলোকে ত
 ফোটে নাই প্রকাশে

কত দিন কত লোকে
 চেয়েছিল উহারে,
 বৃথা ফিরে গেছে তা'র
 বাহিরের দুয়ারে ।
 আর কেহ বুঝিবে না,
 তোমা সাথে হবে চেনা
 সেই আশা ল'য়ে ছিল
 আপনারি সকাশে,
 প্রভাতের আলোকে ত
 ফোটে নাই প্রকাশে ॥

১৫০

তোমার সাথে নিত্য বিরোধ

আর সহ্যে না,—

দিনে দিনে উঠ্চে জমে’

কতই দেনা !

সবাই তোমায় সভার বেশে

প্রণাম করে’ গেল এসে,

মলিন বাসে লুকিয়ে বেড়াই

মান রহে না ।

কি জানাব চিত্তবেদন,

বোকা হ’য়ে গেছে যে মন,

তোমার কাছে কোনো কথাই

আর কহে না ।

ফিরায়ো না এবার তাঁরে

লও গৌ অপমানের পারে,

কর তোমার চরণ-তলে

চির-কেনা ॥

১৫১

প্রেমের হাতে ধরা দেব'
তাই রয়েছি বসে' ;
অনেক দেরি হ'য়ে গেল,
দোষী অনেক দোষে !

বিধিবিধান-বাঁধন-ডোরে

ধরতে আসে, যাই যে সরে',
তা'র লাগি যা শাস্তি নেবার
নেব' মনের তোষে ।
প্রেমের হাতে ধরা দেব'
তাই রয়েছি বসে' ।

লোকে আমায় নিন্দা করে,
নিন্দা সে নয় মিছে,
সকল নিন্দা মাথায় ধরে'
র'ব সবার নীচে ।

শেষ হ'য়ে যে গেল বেলা,
ভাঙল বেচা-কেনার মেলা,
ডাক্তে যারা এসেছিল
ফিরল তা'রা রোবে ।
প্রেমের হাতে ধরা দেব'
তাই রয়েছি বসে' ॥

১৫২

সংসারেতে আর যাহারা
আমায় ভালবাসে
তা'রা আমায় ধরে' রাখে
বেঁধে কঠিন পাশে ।

তোমার প্রেম যে সবার বাড়ি
তাই তোমারি নূতন ধারা,
বাঁধনাকো, লুকিয়ে থাক
ছেড়েই রাখ দাসে ।

আর সকলে, ভুলি পাছে
তাই রাখে না একা ।
দিনের পরে কাটে যে দিন,
তোমারি নেই দেখা ।

তোমায় ডাকি নাই বা ডাকি,
যা খুসি তাই নিয়ে থাকি ;
তোমার খুসি চেয়ে আছে
আমার খুসির আশে ॥

১৫৩

প্রেমের দূতকে পাঠাবে নাথ কবে ?
সকল দ্বন্দ্ব যুঁচবে আমার তবে ।

আর যাহারা আসে আমার ঘরে
ভয় দেখায়ে তা'রা শাসন করে,
দুরন্ত মন দুয়ার দিয়ে থাকে,
হার মানে না, ফিরায়ে দেয় সবে ।

সে এলে সব আগল যাবে ছুটে,
সে এলে সব বাঁধন যাবে টুটে,
ঘরে তখন রাখবে কে আর ধরে'
তা'র ডাকে যে সাড়া দিতেই হবে

আসে যখন, একলা আসে চলে',
গলায় তাহার ফুলের মালা দোলে,
সেই মালাতে বাঁধবে যখন টেনে
হৃদয় আমার নীরব হ'য়ে র'বে ॥

১৫৪

গান গাওয়ালে আমার তুমি
কতই ছলে যে,
কত সুরের খেলায়, কত
নয়ন-জলে হে ।

ধরা দিয়ে দাও না ধরা,
এস কাছে, পালাও ত্বরা,
পরাণ কর ব্যথায় ভরা
পলে পলে হে ।

গান গাওয়ালে এমনি করে'
কতই ছলে যে !

কত তীব্র তারে, তোমার
বীণা সাজাও যে,
শত ছিদ্র করে' জীবন
বাঁশি বাজাও হে ।

তব সুরের লীলাতে মোর
জনম যদি হয়েছে ভোর,
চুপ করিয়ে রাখ এবার
চরণতলে হে,
গান গাওয়ালে চিরজীবন
কতই ছলে যে ॥

১৫৫

মনে করি এইখানে শেষ
কোথা বা হয় শেষ !
আবার তোমার সভা থেকে
আসে যে আদেশ ।

নূতন গানে নূতন রাগে
নূতন করে' হৃদয় জাগে,
সুরের পথে কোথা যে যাই
না পাই সে উদ্দেশ !

সঙ্ক্যাবেলার সোনার আভায়
মিলিয়ে নিয়ে তান
পূরবীতে শেষ করেছি
যখন আমার গান—

নিশীথ রাতের গভীর সুরে
আমার জীবন উঠে পূরে,
তখন আমার নয়নে আর
রয় না নিদ্রালেশ

১৫৬

শেষের মধ্যে অশেষ আছে,
 এই কথাটি, মনে
 আজকে আমার গানের শেষে
 জাগ্চে ক্ষণে ক্ষণে ।
 সুর গিয়েছে থেমে, তবু
 খাম্ভে যেন চায় না কভু,
 নীরবতায় বাজ্চে বীণা
 ধিনা প্রয়োজনে ।

তারে যখন আঘাত লাগে,
 বাজে যখন সুরে—
 সবার চেয়ে বড় যে গান
 সে রয় বহুদূরে ।
 সকল আলাপ গেলে থেমে
 শান্ত বীণায় আসে নেমে,
 সন্ধ্যা যেমন দিনের শেষে
 বাজে গভীর স্বনে ॥

১৫৭

দিবস যদি সাজ হ'ল, না যদি গাহে পাখী,
 ক্লান্ত বায়ু না যদি আর চলে,—
 এবার ভবে গভীর করে' ফেল গো মোরে ঢাকি'
 অতি নিবিড় ঘন ভিমিরতলে ।

স্বপন দিয়ে গোপনে ধীরে ধীরে
 যেমন করে' ঢেকেছ ধরণীরে,
 যেমন করে' ঢেকেছ তুমি মুদিয়া-গাড়া আঁখি,
 ঢেকেছ তুমি রাতের শতদলে ।

পাথেয় যার ফুরায়ে আসে পথের মাঝখানে,
 ক্ষতির রেখা উঠেছে যার ফুটে,
 বসনভূষা মলিন হ'ল ধূলায় অপমানে
 শক্তি যার পড়িতে চায় টুটে,—
 ঢাকিয়া দিক্ তাহার ক্ষতব্যাথা
 করুণাঘন গভীর গোপনতা,
 ঘুচায়ে লাজ ফুটাও তা'রে নবীন উষাপানে
 জুড়ায়ে তা'রে আঁধার সুধাজলে ॥

